

蒙古游牧記

蒙古游牧記卷之十三

平定張 穆初稿

光澤何秋濤補輯

額魯特蒙古烏蘭固木杜爾伯特部賽音濟雅哈圖

盟游牧所在

原杜爾伯特部

一作都爾伯特

至

京師六千餘里元臣學罕

裔

一作字汪

姓綽羅斯六傳至額森

原

集準噶爾歌詩注額

參太師者噶爾丹策凌之先祖明正統之蒙塵乃額參收蒙古以後事今蒙古紀載甚詳明史曰也先蓋漢譯番言額參之誤也穆案額參後又改額森襲之倫前出塞錄云明史所記也先二字誤本作額孫華言宰相也生子二長博羅納哈勒為杜爾伯特部祖次額斯墨特

達爾漢諾顏準噶爾部祖也原注朔漠方略雍正七年正月

一部落原係元之臣僕其始祖曰額森額森之子托坤漸至大員因擾亂元之宗室離間蒙古恐獲重罪遂背負元朝之恩逃匿於西北邊遠之處元末又扇誘匪類結成黨與遂自稱準噶爾穆謹案此與乾隆間欽定蒙古王公表傳及龔之翰方觀承諸人所紀杜爾不同蓋其時準夷未平傳聞異詞不能盡合也

伯特舊爲四額魯特之一輝特隸之和碩特部土爾扈

特部或牧青海或徙俄羅斯惟杜爾伯特與準噶爾聚

牧阿爾台無析處者原注阿爾台亦作阿爾泰今作阿

山也在科布多城西北史突厥傳魏太武時阿史那居金山之陽爲蠕蠕鐵工金山形似兜鍪借號兜鍪突厥唐書突厥傳頡利敗車鼻率所部竄金山之北三垂斗絕一面可通車騎距長安萬里元秘史太祖征乃蠻擊住塔陽其子古出魯克脫身走出見軍迫及就依塔米兒河割營不定又走了襲至阿勒台山前勢愈窮促遂

將他百姓盡收捕了。何秋濤案阿勒台。卽此阿爾台也。
長春西游記七月九日。同宣使西南行。五六日。屢見山。
上有雪。又三二日。歷一高峯。如削。松杉鬱茂。而有海子。
南出大峽。則一水西流。礮木叢映於水之陽。韭茂如芳。
艸夾道連數十里。北有故城。曰曷利肖。西南過沙場。二
十里許。水艸絕少。始見回乾決渠灌麥。又五六日。踰嶺。
而南至蒙古營。宿佛廬。旦行。地遼南山。望之有雪。人告
曰。此雪山北。是田鎮海八刺喝孫也。八刺喝孫。漢語爲
城中。有倉廩。故又呼曰倉頭。七月二十五日。有漢民工
匠。絡繹來迎。沙漠中多不以耕耨爲務。喜見此閒秋稼。
已成。翼日。阿不罕山北鎮海來謁。曰。前有大山高峻。廣
澤沮陷。非車行地。宜減車從輕騎以進。用其言。以二車
驛騎二十餘。傍大山西行。李家奴鎮海從者也。因曰。前
此山下。精截我腦後髮。鎮海亦云。乃滿國王亦曾在此。
爲山精所惑。食以佳饌。西南約行三日。復東南過大山。
經大峽中。秋日。抵金山東北。少駐。復南行。其山高大。深
谷長坂。車不可行。三太子出軍。始闢其路。乃命百騎挽
繩懸轅以上。鋪輪以下。約行四程。連度五嶺。南出山前。
臨止。河泊從官連幕爲營。因水艸便。以待鋪牛驛騎。有
詩云。金山南面大河流。云。桐鄉程同文釋曰。阿不罕

山在金山東北今阿集爾罕山也鎮海傳太祖命屯田
 於阿魯歡立鎮海城阿魯歡者亦即阿集爾罕山也長
 春由此西行傍大山者即傍阿爾泰山之東大幹今烏
 蘭古木中遇青吉斯海子之北乃向西南行當取道於
 今科布多再西南乃科布多河額爾齊斯河發源處為
 阿爾泰最高之脊所謂東南過大山經大峽抵金山者
 當謂此又行四程連度五嶺南出山臨大河以地約之
 大河應為烏龍古河劉郁西使記所謂龍骨河與別失
 八里南北相直近五百里者也烏程沈氏釋曰案鎮海
 傳屯田於阿魯歡立鎮海城戍守之夫曰立鎮海城是
 城名鎮海也城為鎮海所立遂以鎮海名城劉容傳至
 元七年世祖駐蹕鎮海小雲石脫忽憐傳以應房萬戶
 從裕宗北征至鎮海是以城名地矣鎮海又轉曰稱
 海裕宗傳至元七年秋受詔巡撫稱海王恂傳從裕宗
 撫軍稱海即小雲石脫忽憐傳之鎮海也囊加歹傳武
 宗在潛邸囊加歹嘗從北征與海都戰於帖堅古明日
 又戰海都圍之山上囊加歹力戰決圍而出與大軍會
 武宗還師囊加歹殿海都遮道不得過囊加歹選勇敢
 千人直前衝之海都披靡國兵乃由旭歌爾溫稱海與
 晉王軍會牀兀兒傳海都兵越金山而南止於鐵堅古

山是帖堅古在金山之南由金山還師而東道必經鎮
海城是稱海即鎮海矣稱海爲西北要地據地理志及
武宗紀中統初置宣慰司都元帥府於和林後分都元
帥府於金山之南至元二十六年諸王叛兵侵軼和林
宣慰司怯伯乘隙叛去二十七年立和林等處都元帥
府大德十一年和林改置行中書省移都元帥府於稱
海兼置稱海等處宣慰司稱海誠控禦叛王要地矣哈
刺哈孫之行省和林也置傳車相去各三百里凡十傳
轉米數萬石以饗饑民不足則益牛羊又度地置內倉
積粟以待來者浚古渠溉田數千頃治稱海屯田教部
落襍耕其間歲得米二十餘萬北邊大治地理志元貞
元年於六衛漢軍內撥一千人赴稱海屯田北方立站
帖里干木隣納隣等一百一十九處成宗紀元貞二年
二月給稱海屯田軍農具大德元年三月給稱海匠戶
賜農具鈔案稱海地鄰接海都海都犯邊屯田暫罷海
都既平屯田旋復故成宗紀大德四年罷稱海屯田改
置於呵札之地而六年九月又遣阿牙赤撒罕會計稱
海屯田歲入之數也仁宗紀至大四年六月命和林行
省右丞孛里馬速忽經理稱海屯田延祐元年三月敕
儲稱海五條河屯田以備賑濟六年十一月敕晉王部

貧民二千居稱海屯田英宗紀延祐七年五月復置稱
海五條河屯田案七年復置則七年前必嘗罷之矣
是時明宗以不得為皇儲憤發兵反兵敗走金山西北
諸王察阿台等率眾附之屯田之罷其以是歟後明宗
不復入寇故屯田亦旋復也補註按今刊本或改稱海
為青海詳程氏沈氏之說知漠北之稱海與河西之青
海方域迥殊所宜詳辯也原註一統志阿爾泰山在特
思河西北縣互二千餘里高入霄漢盛夏積雪不消為
西北諸山之祖其頂在烏普薩池西北支峯蔓壑分為
四枝正北一枝隨厄爾齊斯河以北至鄂羅斯國其東
北繞特思河之北千里東為湯努山一枝又東北接杭
愛山之陰北至色楞格河其南百餘里向東一枝為烏
蘭郭馬山繞奇勒稽思泊之北又東南為白勒奇那克
科克衣山又東為昂奇山空格衣河出其南麓烏海河
出其東北麓又北為馬喇噶山布勒噶蘇台河出其東
麓又東北為大山喀喇河諸水出其南麓又東北接杭
愛山之陽包哈瑞河他米勒河諸水其南一枝蜿蜒不
斷納憐河呼勒泰河哈流圖河納思克河布勒濟河哈
巴河奇蘭河喀喇額勒齊思河俱出其西麓哈勒奇隆
河阿普都河出其東麓山勢旋折而東布顏圖河出其

北麓布拉克吉兒河札克台河出其南麓又東爲阿爾
泰山之尾又東南爲台西爾山又東南復分二山如黑
雲二道界瀚海中其東爲庫克西勒克山又東北接巴
顏山其南枝爲都忒嶺布帶山圖古里克河出其西麓
又東南爲布勒堪山空鄂洛阿濟爾罕山層峯不斷千
餘里橫截沙漠爲阿爾班阿岳爾達察嶺又東南爲古
爾板賽漢山其南爲諾默渾山其東南爲五百根山至
空可喀喇龍山而止自空鄂洛阿濟爾罕山南向爲奇
齊格納山拜薩鄂爾山查喇圖山至伊塔特圖山而止
其南八十里天山自西方來亦蜿蜒而東南橫亘沙漠
中千餘里又東爲活兒活圖山至色公哈兒占山而止
色公哈兒占山北去空可喀喇龍山二百餘里南踰瀚
海至套北陰山五百里松漠艸詩注阿爾泰之東有三
十三庫伯其中峯特出者曰汗庫伯猶言祖脈也下臨
希爾吉思湖流泉飛瀑頗著靈秀 藩部要略雍正十
三年噶爾丹策凌表稱阿爾台舊係厄魯特牧杭愛舊
係喀爾喀牧請由哲爾格西喇呼魯蘇至巴里坤畫界
分守 諭曰夫阿爾台之屬厄魯特乃噶爾丹從
前之事爾準噶爾並未越此游牧爾父在時曾請將阿
爾台山梁外哈道里哈達青吉勒布勒青吉勒三處不

必置爲閒處朕未允行今特欲安逸眾生將此三處屬
爾祇自克木齊克汗騰格里上阿爾台山梁由索勒畢
嶺下哈布塔克拜達克之中過烏蘭烏蘇羅卜諾爾直
抵噶斯口爲界并自呼遜托輝至喀喇巴爾楚克悉作
閒地爾其遵諭行乾隆三年噶爾丹策凌復表請循布
延圖河南以博爾濟昂吉勒圖烏克克嶺噶克察等處
北以遜多爾庫奎多爾多輝庫奎至哈爾奇喇博木喀
喇巴爾楚克等處爲界厄魯特邊人仍在阿爾台山後
游牧
案德蔭堂集阿克敦兩使準噶爾與噶爾丹策凌議定
界事雖反復多端其所慮者不過恐兩閒空置之呼遜
托輝等處喀爾喀來此游牧歸化城人至此市易中國
亦漸次於科布多增建城垣侵其游牧耳故最後
高宗純皇帝亦許其每年略地時用二三十人至科
卜多巡視以釋其疑而和議乃定呼遜托輝集作呼孫
托回地瀕科布多河
鄂拉爲古金山在庫爾圖達巴西北三百里哈柳圖郭
勒發源西南麓其地東境峰巒層查互數百里爲北路
名山之冠東爲舊藩喀爾喀蒙古諸部西爲準噶爾部
乾隆二十年大兵討準噶爾道出阿勒坦鄂拉

遣官祭告文曰朕恭承鴻業撫馭寰區康又柔懷中外一視準噶爾部落向遠王化算拭目仍因而內亂達瓦齊又復殘虐其屬分崩離析人不聊生雖在殊荒均之赤子朕何忍不爲拯救坐視阽危爰整王師分道並進今北路大兵道出神境惟神起幹西北繇互東南實塞外之名區作內藩之屏障尙其默相翼我明威期迅奏乎膚功永收甯夫遠服虔噶爾丹之亂其兒子策妄申昭告用布馨香惟神鑒焉噶爾丹之亂其兒子策妄阿喇布坦棄之徙博羅塔拉原注方略康熙五十四年六月祁里德等奏言據喀爾喀汗王台吉等言我兵從此進剿策妄阿喇布坦厄兩路一由布拉克順額米爾河尋伊犁河過阿勒坦厄默勒嶺一由博克達額林哈畢爾噶進關厄奇嶺此兩路俱至額米爾河於博羅塔拉地方會合土爾扈特總傳噶爾丹以鄂齊爾圖孫女阿努爲妻旣而惡鄂齊爾圖襲殺之何努有女弟曰阿海噶爾丹兄子策妄阿勒布坦將以爲妻噶爾丹奪取之策妄阿勒布坦怨徙博羅塔拉乞婚阿玉奇阿玉奇以女妻之阿克敦再使準噶爾奏噶爾丹策妄言我原在阿爾泰山陰游牧後因動兵移於額里齊斯西里博羅他拉又因窄狹直至

哈薩克布魯特交界游牧。新疆識略。賽里木淖爾在惠遠城東北二百餘里。塔勒奇嶺之北。周三百餘里。四周皆大山。其北山後有地名波羅塔拉。水草豐茂。土地平曠。舊為準噶爾游牧。今為察哈爾游牧。塔勒奇山在惠遠城北九十里。乾隆二十年。北路大軍由波羅塔拉越此山之嶺進剿。嶺險峻如關。谷中林木茂密。俗呼為果子溝。嶺下出泉。匯為大河。徑流谷中。西域水道記。博羅塔拉河。自達爾達木圖小喀倫以西。鄂克拓賽里喀倫以東。長二百餘里。夾河蔥翠。短艸長林。襟帶沃衍。牛羊散布。通漢克傳云。康熙五十六年。大軍進剿準噶爾。時策妄阿喇布坦游牧博羅塔拉。以額林哈畢爾噶為要隘。是策妄建庭於此也。迨阿逆之叛。亦居其地。方略云。乾隆二十年十二月。巴里坤辦事大臣和起奏。阿睦爾撒納同台吉額林沁舍楞。在博羅塔拉道都托羅海地方居住。是也。二十二年。阿逆自哈薩克潛歸伊犁。又會諸賊坐牀於此。欲自為汗。兼綜諸書。足知形勢。杜爾伯特諸台吉從之分收額爾齊斯河。原出塞錄。科卜多新建土城。為大兵總駐之地。又過此一千餘里。地名鄂爾齊斯。深入賊巢。自科卜多至此。多行山澗中。僅

容一人一騎往往行數日始能出潤松漠艸詩注阿爾泰西面之水皆入額爾齊思河西流空窩圖湖又萬餘里歸西海鄂爾思寬闊也額爾齊思狹也狹東如江爲西北第一巨流補注秋濤按是水歸北海非西海也恪敏斯語偶誤原注西城釋地齊桑諾爾在塔爾巴哈台綴靖城東北五百餘里爲額爾齊斯河所濫額爾齊斯河在城東北六百餘里爲科布多界此水發源東南山中縈迴環繞滙入齊桑諾爾又西北溢出流入俄羅斯境新疆識畧額爾齊斯河出阿爾台山爲華額爾齊斯西北流會喀喇額爾齊斯河又西北會蘇布圖河又西北會庫魯圖河又西北會罕達海圖河又西北會奇蘭河又西北會博爾齊河又西北會達海圖河又西北會阿勒哈布河又西北會哈布河又西會諾恰庫河又西會塔爾巴哈台河經瑪呢圖噶圖勒干喀倫北又西緒爲齊桑淖爾淖爾又西受布崑河水南受果爾莫孫河水東南受俄棟果勒水東北受哈流圖水淖爾復出水西北流科爾沁河入之又東北那林河入之又北莫依林河入之又西北布克圖爾瑪河入之又西北入俄羅斯國界其下游歸於北海補注褚廷璋西域詩額爾齊斯西州直北勢憑陵瀚海迢遙過白登鈴澤風高奔怒馬金山雪暗下饑

鷹會傳舊壤開都伯僅見降王保策凌四部蟲沙成底
事好將忠謹化驍騰注云今烘郭圖淖爾譯言鈴澤都
爾伯特急讀乾隆十八年冬因畏準噶爾偪率族內附
則成都伯

原注

準噶爾台吉舊有策凌惇多卜二大策凌惇多卜

善謀小策凌惇多卜以勇聞策旺阿拉布坦及子噶爾

丹策凌之子而自立小策凌惇多卜孫達瓦齊襲殺噶爾丹

策凌之子而自立小策凌惇多卜孫納默庫濟爾噶爾

與構兵各令杜爾伯特族助杜爾伯特台吉車凌等欲

拒之不敵欲事之莫知所從集族謀曰依準噶爾非計

也。不如依天朝為永聚計於是棄額爾齊斯牧由

準噶爾東烏蘭嶺烏英齊而行越旬有九日至博東齊

遣使馳赴巴顏珠爾克以降故告定邊左副將軍親王

成衮札布以間上遣侍郎玉保齎賞物往迎

穀種取諸歸化城復賜牛羊贍之定牧札克拜

達里克穆案杜爾伯特部俗兼耕牧視喀爾喀專逐水

艸游牧者異故乾隆二十年大兵征達瓦齊豫

遣緣旗及喀爾喀兵屯田額爾齊斯以所部識水泉
道且善耕詔簡宰桑以上巧卒百導赴額爾齊

斯將俟大功成即界以**補**旋依內蒙古例編置佐領以杜爾伯特部永為世業

札薩克領之**補**秋濤按杜爾伯特台吉惟三車稜最

稜者曰車稜曰車稜烏巴什皆鄂木布岱青和碩齊裔

日車稜蒙克為達賴泰什弟保伊勒登裔十九年正月

三車稜使至詔與朝正衆藩臣宴四月

諭曰內札薩克及喀爾喀咸設正副盟長董理牧務今

新降台吉車稜等攜至戶口悉編旗分佐領其設正副

盟長如例賜賽因濟雅哈圖名五月

幸熱河三車稜率諸台吉人觀賜宴萬樹園觀

火戲論曰杜爾伯特台吉車稜等皆準噶爾渠

酋向慕仁化率萬餘衆傾心來歸宜敷渥澤錫予封爵

以示懷柔至意其各鈐所屬令安分謀業勿負朕恩時

所部設札薩克十有三自三車稜外曰色布騰曰蒙克

特穆爾曰根敦曰班珠爾曰剛曰巴爾封親王郡王貝勒

貝子公一等台吉有差次是年所封杜爾伯特諸旗惟

蒙克特穆爾旋即叛去捕獲伏誅餘皆忠順世襲封爵其他別以功受封者曰額布根曰剛多爾濟曰羅卜藏

蒙古游牧記十三

事蹟備詳。於各旗下。所部左翼十一旗。右翼三旗。附輝特二旗。

凡十有六旗。

國語秋高按今會典圖及說皆作左翼三旗。右翼十一旗。與現行理藩院則例左右

二字互易。必有一誤。左翼十一旗。曰札薩克特固斯庫魯克達賴。

汗旗博羅納哈勒九世孫車稜。

國語即後稱汗車稜也。一作車楞。初為

準噶爾屬。乾隆十八年。以達瓦齊不足事。率部眾來歸。

從者三千百七十餘戶。口以萬計。

詔封札薩克

親王。二十年。授參贊大臣。從西路軍征達瓦齊。伊

率定。

賜食親王雙俸。增護衛員倍之。尋率新降

台吉入。

覲。封杜爾伯特汗。

賜特固斯庫

魯克達賴號。

國語云晉封特古斯古魯克汗。

授左翼盟長。

是年訥默庫叛竄烏里雅蘇台辦事大臣阿爾泰偕車稜等以兵擒之及其孥械至論如律籍其屬分給車稜車稜烏巴什二十一年七月車稜等徙牧額爾齊斯從衆乘徙牧有劫驛騎者參贊大臣舒赫德巡軍汛至努克木倫聞之往詰車稜察劫者以獻請論罪嘉其恭順

詔車稜率兵從剿

賜佩飾獎之既而汗哈屯烏梁海叛

木

諭曰車稜等自歸誠以來賊激朕恩約束屬

衆甚爲靜謐因叛賊紛起亟請內徙游牧其歸附之

心益堅可允所請並給穀種令爲謀生資貝勒巴圖博

羅特輔國公舍稜不從車稜等徙牧叛應阿睦爾撒勒

副都統瑚爾起以兵擒諸輝巴朗山妻孥悉論誅噶勒

維特宰桑哈薩克錫喇附阿逆叛大軍將由西路進

剿等或勢窮力蹙逃赴哈薩克境爾等其簡兵防守游牧

並堵禦通哈薩克隘口遇賊竄即擒獻此特爲保護所

部游牧計非令其出兵協剿也會哈薩克錫喇遣人來

誘叛車凌械赴科布多軍而自攜其衆徙牧和通呼爾

哈諾爾旋定牧二十三年卒補上以車凌識時

於烏蘭固木

二十三年卒補

上以車凌識時

杜爾伯特

慕義率屬歸誠始終効力鈐收靜謐軫悼

賜賻

祭原子索羅木哀布襲補授盟長

詔勤習牧務

補出六月索羅木哀布以疾故請往禮哲布尊丹巴呼圖克圖

部所係甚要聞索羅木哀布襲封後時有疾今已授巴桑為副盟長巴桑亦係少年恐不更事親王車凌烏巴

什貝子瑪什巴圖等誼關同族自應視如一體務宜悉心協助加意辦理不可稍存彼我之見二十五年

詔定杜爾伯特管旗章京策塔爾爾尼達喇喀爾喀女先是索羅木哀布少而懦其哈屯布尼達喇喀爾喀女

也鈐所部眾嚴策塔爾爾尼達喇喀爾喀副管旗章京巴顏克什克訴之成哀札布所遣員往訊僉直哈屯

成哀札布將重議策塔爾爾嫌庇族女疏請罷策塔爾職別以和通代之偕巴顏克什克助汗哈屯理牧務

諭曰為人臣僕而威脅其汗且謀逐哈屯不法已極宜重罪之或以新附尚未悉禮法姑從寬免然亦不可

仍留舊地致起衅端其詳勘欺主滋事不受哈屯約因計陷之者解送京師成哀札布道旨察獲策塔

爾黨十四人械至。

詔於福建廣東安置牧產給

索羅木衾布勿歸公既而布尼達喇請以巴顏克什克

代管旗章京職

諭曰策塔爾以巴顏克什克控

訴因而獲罪若令代之則無知者妄生希倖反以互訐
爲能且管旗章京既有和通理
之巴顏克什克令其協助足矣三十四年卒子瑪克蘇

爾札布襲四十七年

詔世襲罔替

原佐原中

旗札薩克多羅郡王游牧汗車凌從叔父車凌蒙克

一作策

凌孟克乾隆十八年偕車凌車凌烏巴什來歸所部號

之爲三車凌車凌蒙克行既尊且兼領巴約特務以故

從車凌蒙克至者凡七百餘戶戚屬僅百有十四餘皆

巴約特屬隸之者

詔封札薩克多羅貝勒二十

年授參贊大臣從西路軍進征伊犁定晉爵多羅郡王

補督所部兵駐防伊犁

補以定西將軍班第奏也先

子巴朗及巴雅勒當行巴朗詭稱疾不之從巴雅勒當

復因辭弗許攜就道巴朗挾屬衆二百餘遁族台吉蒙

克特穆爾從之詔將軍策楞等緝巴朗及蒙克

特穆爾務獲其從逃衆悉宥巴朗偕蒙克特穆爾由北

路間道行徑烏克嶺哈布塔克拜達克奇蘭阿拉克台

布哈和洛諸境聞追軍至輒逸遂竄匿準噶爾境其從

逃之沙拜塔爾納瑪琳等後先脫歸詔宥罪給

車凌蒙克轄之及伊犁平獲巴朗等諭車凌蒙

克曰爾父子前來歸誠冀受朕恩甫入覲爾子巴朗乘

間遁不獨負朕恩且悖汝志情罪甚重國法難貸念爾

誠心感戴効力從軍爾孫巴布勒或爲巴朗所逼或與

巴朗同謀皆可置之不問以加恩爾故特宥之俟至烏

里雅蘇台仍遣赴爾游牧爾其知之巴朗及蒙克特穆

爾尋械至上告祭太廟社稷御

午門樓行受**原**二十二年卒次子巴雅勒當襲**補**二十

三年卒無子以弟博斯和勒襲四十六年卒子納旺索

諾木襲四十七年。

詔世襲罔替。

原任 中左

旗札薩克多羅貝勒游牧汗車稜族弟

原任 色布

騰乾隆十八年來歸封多羅貝勒授札薩克

原任 初車

所屬巴啟齊倫等叛逆喀爾喀

獲治罪時色布騰從三車凌來善約衆三車凌以告我

視牧大臣

偕內大臣薩拉爾議招烏梁海及札哈沁復以所部患

痘迎勞之

十年授參贊大臣從西路軍進征阿逆叛

烏里雅蘇台偕駐防大臣籌辦軍務仍授叅贊大臣加

郡王品級

補任 先是色布騰自請率兵剿阿逆

以色列布騰與阿逆夙怨且悉額魯特情

里雅蘇台籌軍務以所部兵從悉給俸餉口糧色布騰

杜爾伯特

聞

命卽馳就道

諭曰色布騰自歸誠以

來奮勉効力征準噶爾頗著勤勞且聞朕旨卽以兵馳
赴烏里雅蘇台軍急公任事誠可嘉予著賞郡王品級
若能更立殊勲朕當加以重賞今由西路進兵擒額魯
特叛賊北路尙無所事惟新收汗哈屯烏梁海及續降
輝特衆應加防範著色布騰留心體察既抵軍營妻孥
悉令隨往所有陳奏軍務著列名於喀爾喀親王尋以
成哀札布桑齋多爾濟之次都統雅爾哈善之前

疾道卒

賜賻祭子巴桑襲二十三年授副盟

長

二十六年從剿瑪哈沁宰桑色布騰

故準噶爾宰

桑叛去流爲瑪哈沁巴桑從喀爾喀郡王車木楚克札
布等剿之偵走俄羅斯以兵屯鏗格爾圖喇遣使索俄
羅斯檢色布騰及

逆黨百餘以獻

賜幣二十七年

詔杜

爾伯特左右翼各設副將軍一左翼用正白旗纛以

敕印軍符給之授巴桑爲左翼副將軍四十七年

詔世襲罔替原注佐原中前旗札薩克輔國公游

牧汗車凌族弟剛乾隆十八年來歸授今爵補三十三

年卒子札納巴克襲四十七年 詔世襲罔替原注

一佐領原中後旗札薩克輔國公游牧汗車凌從叔父巴

圖蒙克原注一作巴圖孟克乾隆十八年來歸授今爵補二十三

年奉檄圍明噶特于烏蘭固木河 詔量加賞賚

補烏梁海種人明噶特舊為額魯特屬大軍定伊

黎乞降 詔置之黑龍江之呼倫貝爾既而由納

林喀喇泥叛遁定邊左副將軍成袞札布檄巴圖蒙克

迫之遇諸烏蘭固木河環以兵不即降中夜圍稍懈賊

乘閒逸成袞札布劾之 上以杜爾伯特部新三

附且聞檄即以兵往 詔免飭責仍量加賞賚三

十九年卒次子烏喀斯襲四十七年

詔世襲罔

替領原注佐

原中上旗札薩克固山貝子游牧汗車稜族

弟瑪什巴圖乾隆十八年來歸封札薩克輔國公二十

年從征達瓦齊補追至格登山庫魯克嶺補時達瓦

竄踰庫魯克嶺諸軍分道躡皆以馬疲返惟瑪什巴圖

偕車凌烏巴什率輕騎入百尾之西域釋地格登山

在伊犁將軍所駐惠遠城西南百里乾隆二十年達瓦

齊結營此山兵近萬人面渚背巖以自固巴圖魯侍衛

阿玉錫等三人率二十二卒策馬仰攻破其營降六千

五百騎達瓦齊遁又貢古魯克山在烏什城北山自西

而東縣互無極北有巴克塔山口通布魯特游牧又其
北庫車山口雅滿素山口皆通布魯特達瓦齊由格登
山竄踰庫魯克嶺烏什伯克霍集斯給捻以獻庫魯克
疑卽貢古魯克之謫乾隆二十五年造官告
祭格登山祭文曰詰戎龕暴斬遐邇之綏安蕩穴焚巢
荷神人之協應乃者準噶爾以諸蕃瓦解款塞請兵達
瓦齊當累世貫盈負嵎假息方王師壓境窮鱗尚戀泥
蟻而裨將選鋒銀羽難延株守廿五騎自天而下不藉

梯衝六千人無地可容。悉縶組。溯國威之遠暢。瞻神
呪之不昭。輒爾時呵護斯存。曾著翻營。勝蹟。迄今日。展
懸用薦。還依表碣。雄風秩我明禋。惟神欲格。又
欽頒歲。春秋祭祝文曰。惟神位正金方。勢崇西極。鎮準
鳴爾之全。部夙著靈奇。導岡底斯之羣峰。丕宣氣化。職
方未載。乃應運而服懷柔。王會新圖。早報功而行刊旅。
從龍在望。報饗宜虔。朕爰定遐荒。削平大漠。負陰抱陽。
之類。莫不尊親。出雲降雨之司。咸同覆載。惟格登山之
雄峙。環伊犁河。以高騫。地險爰標神功。攸懋當奔壘。挫
生之日。助王旅。以宣威。值磨崖紀績之辰。冀天庥而效
順。作屏遠服。載揚赫濯聲靈。考制名山。用展殷懸典。物
令先期而諏吉。俾時享以薦馨。康我邊陲。永秩春秋之
祀。表茲絕域。式垂山海之經。雉譯咸通。鴻圖舉固。韋將
芬苾。庶克欽承。褚廷璋西域詩。吹梯空勁旅。倚屏顏
逕出盤雕。落雁開波。浪遠翻圖庫水。風雲高護格登山。
千屯此日。開榆塞十箭。當年阻玉關。碎葉長川流不極。
猶懸邊月。照潺湲。自注。巴圖魯阿玉璽。以二十五人敗
六千餘衆。於格登山。在吹東境。圖庫斯庫爾河。卽唐時碎
葉川。又名細葉川。亦名素葉水。今伊犁河西之水。此爲
最大。周廣六百餘里。自圖斯庫爾北岸。傍吹河西北行。

五百餘里。總名爲吹。今屯種之所。唐沙鉢羅匪利失可汗分十部。部授一箭。曰十箭程。知節討之不克。蘇定方督軍進討。敗之。分西突厥地。置崑陵都護府。居碎葉川。西。濛池都護府。居碎葉川東。以彌射爲興。昔亡可汗押咄陸部落。以步真爲繼。往絕可汗押五弩什畢部落。自此吐蕃强盛矣。**原**敘功。晉封固山

貝子。**補**二十九年卒。子布延濟爾噶勒襲。四十四年卒。

子和託羅襲。四十六年卒。子鄂勒哲布圖庫襲。四十七

年。**原**詔世襲罔替。**原**領一。**原**中下旗札薩克一等

台吉游牧。汗車凌族叔父達什惇多克。乾隆十八年來

歸。授今爵。**補**二十三年卒。子寶貝襲。四十七年。

詔世襲罔替。**原**領一。**原**達什惇多克內附。其從子卓倫齊賓塔克圖及其屬垂羅克等游牧額

琳哈畢爾噶及伊犁河濱。不獲從。乾隆二十年。**原**中前大軍臨境。後先乞降。詔給達什惇多克。

左旗札薩克一等台吉游牧汗車凌族子額布根乾隆十八年額布根及兄蒙克特穆爾弟齊巴克等從三車凌來歸。詔封蒙克特穆爾札薩克固山貝子尋

附車凌蒙克子巴朗叛遁額布根慚奮請從大軍進征且擒叛黨自贖。諭獎其知大義授今爵補二十

二年卒原無嗣弟齊巴克襲補四十七年。詔世

襲罔替。原注佐領一。原中前右旗札薩克固山貝子游牧汗

車凌族子班朱爾乾隆十八年來歸授今爵尋卒從弟

奇塔襲補四十四年卒子羅卜藏薩布坦襲四十七年

詔世襲罔替。原注佐領一。原中後左旗札薩克一等

台吉游牧汗車稜族弟恭錫喇乾隆十八年來歸授今
爵補二十一年卒子車登襲四十五年卒子諤勒哲鄂
羅什瑚襲四十六年卒弟烏巴什襲四十七年

詔世襲罔替原注佐領一原中後右旗札薩克一等台吉游

牧汗車凌族子巴爾乾隆十八年來歸授今爵補三十

三年卒子布達什哩襲四十七年詔世襲罔替

原注無佐領先是巴爾戚屬哈薩克巴蘇太巴朗尼瑪等游牧額琳哈畢爾噶不獲從巴爾內附乾隆二十年大軍臨境迎降凡五十原附輝特一旗曰下前旗札薩六戶詔給巴爾

克一等台吉游牧輝特始祖札巴甘墨爾根有子烏達
納諾顏十傳至鄂羅哩克和碩齊子三長達什次濟木

巴次鄂木布達什子色布騰色布騰子班珠爾班珠爾

子二長達瑪璘次曼濟初輝特為杜爾伯特屬游牧塔

爾巴哈台補註見北路舊世為婚姻達瑪璘杜爾伯特

長車凌女夫也準噶爾亂達瑪璘攜孥遠徙族屬奔赴

額琳哈畢爾補註原注額琳哈畢爾山在伊犁城東北

軍兆惠等由此進兵補註乾隆二十二年再定伊犁將

文曰朕寅紹丕基輯甯函夏荷百靈之效順美報必伸

當萬里之奏功明裡咸秩惟神遐荒迴峙靈應夙昭高

塔天山遠通月削屬當逆賊阿睦爾撒納負恩狡叛竄

跡僑棲收拾殘黎誘招諸部復鴟張而起事旋蠶食以

逞謀游牧至斯披猖寢甚鄰近皆潛為烏合逆酋漸欲

肆燿當已而王旅驟加賊軍輒駭四山艸木盡助聲威

諸嶺風雲俱增叱咤奔鹿遂不遑擇蔭窮魚乃自絕游

魂雖迫躡通逃又閱時而竣事而摧拉枯朽實從此以

振威信乎奉天討以出師明神威祐茲者歲武功而底

續秩祀宜申用昭右序之文遣祠官而致享永作西陲
之鎮鞏邊圉以救甯二十五年從辦事大臣阿桂奏列
於祀典春秋致祭二十七年欽頒歲祭祝文曰
惟神保障遐方奠基西土層巒內拱在漠南綏靖之前
協氣遙迎當闢外奮揚之日逐飛廉於塞外八公之艸
木皆兵示象鼎於寰中九牧之神姦悉化輯甯有地報
享宜頒朕底定荒陬又安絕域懷柔所及龍堆盡列於
版圖撫馭攸加月窟咸通於聲教牧酋潰窟頭屢觸於
不周勝旅先登尸遂陳夫貳負凡膚功之迅奏實靈效
之克彰用奉明禋永垂嘉典峙金方而作鎮著神功於
華嶽以西表翠嶂以為屏秩祀典於流沙之外尚期出
雲降雨遠敷惠澤於邊疆惟茲酌醴牽牲敬念普存於
民力神其來格鑒此苾芬原註西域水道記注準語額
琳謂閒色哈畢爾噶謂考肋在博克達山西入百里哈
屯博克達山西一百里博克達山尊如人首額琳哈畢
爾噶如旁肋居元首左右天山最高峯為博克達則左
右山皆可謂之額琳哈畢爾噶今據告以故三車凌內
祭所在定為哈屯博克達西百里之山
附達瑪璘不獲從至乾隆二十年車凌以所部從征達

瓦齊次額琳哈畢爾噶達瑪璘屬戶四十餘乞降伊犁
定賜杜爾伯特諸台吉游牧地達瑪璘聞之閒
道至烏里雅蘇台攜戶六十餘請內徙隸車凌牧

詔授札薩克一等台吉從衆編佐領如杜爾伯特例
四十一年達瑪璘卒無嗣以弟曼濟子布爾布達爾濟

襲補四十七年詔世襲罔替原注佐領一原右翼三

旗曰前旗札薩克和碩親王游牧汗車凌從子車凌烏

巴什原注一作策楞伍巴什乾隆十八年從車凌來歸從者千二

百餘戶詔封札薩克多羅郡王二十年授參贊

大臣從西路軍進征原注並賞三眼孔雀翎常服之伊犁定晉封

和碩親王授右翼盟長

補注二十二年車凌請徙牧烏

或從往或游牧科布多惟其便時副都統唐喀祿往諭

諸部道遇車凌烏巴什徙就車凌唐喀祿語曰額魯特

哈薩克錫喇叛擾額爾齊斯我將赴西路軍協剿車凌

烏巴什遣護衛巴顏及卒三十從之且稱額爾齊斯及

烏隆古地值盛夏多蚊蛇道不可行額琳哈畢爾噶哈

布塔克拜達克皆以察罕郭勒為要汛請往禦賊於其

地唐喀祿悉疏以聞上嘉其誠順且明大義並

諭車凌烏巴什等知之二十四年十月哈薩克襲烏梁海杜爾

伯特以兵三百餘擊走得旨獎養二十五年七

月或告車凌烏巴什將叛欲陰陷之成袞札布以聞

上鑒其誣詔勿問尋入恩安置牧產漸饒嗣請自

備驛馬上嘉其誠惻不忍驟勞之詔仍

官給驛馬準部相撲之戲必袒袒從事雖顯不釋控首

屈后至地乃為勝是年秋車凌烏巴什隨木蘭行圍俾

準人為戲上嘉其壯賜之羊驪則拱

翔去吞歡喜無量據云準噶爾自喇嘛達爾札滿登後

日就凋敝不得如此補二十七年。

詔杜爾伯特

左右翼各設副將軍一右翼用正黃旗纛給敕印

軍符授車凌烏巴什右翼副將軍。命御前行走

賜岱青卓哩克圖號二十八年以兵緝烏梁海

叛賊庫克辛誅之補庫克辛走俄羅斯道掠哈薩克

圖郭爾馳往擊賊潰竄尾至林際獲之斬庫克辛及從黨五十八人俘其孥及戶七十餘歸

詔賜幣補有台吉巴朗者其甥也幼被哈薩克掠至

西域國志乾隆乙酉年於熱河避暑山莊之東北岡

如固爾札規制建安遠廟凡達什達瓦部眾之隸居熱

河及都爾伯特親王策凌烏巴什等以朝賀至其地者

咸資瞻禮御製安遠廟瞻禮書事詩序備記其事

敢至內地至是已出痘入

紫光閣

命進酒御前上元夕

觀京師

詔觀燈火

御製詩紀之有額魯近多

出痘者也

教元夕賞皇州之句

四十七年

詔

世襲罔替

補註

諭曰車凌烏巴什初封郡王繼而平定伊犁晉封札薩克和碩親王自歸誠

以來鈴束所屬恪慎供職且在御前行走有年著加恩令札薩克和碩親王爵世襲罔替五十五年

原卒無嗣以從姪孫固魯札布襲

喇嘛

佐領十一先是

噶爾台吉達瓦齊約達什及其謀告喇嘛達爾札擊達瓦齊什等將從之已而懼以其謀告喇嘛達爾札擊達瓦齊擒其衆之半達什車凌烏巴什兄也達什子訥默庫從車凌烏巴什內附封和碩親王乾隆二十一年以附其姊夫阿睦爾撒納叛誅

詔籍其屬分給之

原前右旗札薩克多羅貝勒

游牧汗車凌從于剛多爾濟乾隆十九年自準噶爾挈

戶千餘來歸

詔封今爵補二十年授副盟長

補

大兵之自伊犁旋也。杜爾伯特設正副盟長各三。從車
黃至者。分左右翼。曰車凌。曰車凌。烏巴什。為盟長。曰色
布騰。曰車凌。蒙克。副之。各領盟庫至者。別。二十一年。訥
自為部。以訥。默庫。為盟長。訥多爾濟。副之。二十一年。訥
默庫叛。

諭曰。剛多爾濟。自授副盟長以來。鈐束
部眾。尚為安謐。著即授為盟長。三十二年。原卒。無嗣。以

弟貝子額爾德尼子達瓦丕勒襲。補。四十七年。

詔世襲罔替。原。佐領二。剛多爾濟兄布圖克森羅墨
雲端。皆封貝子。乾隆二十二年。相繼卒。皆

無嗣。

尼韓之。

補。

詔以其屬給剛多爾濟及額爾德尼。中右
秋濤。按羅墨雲端。一作洛墨雲端。原。中右

旗札薩克固山貝子游牧。汗車凌族弟根惇。

補。一作根敦。乾

隆十八年來歸。

詔封札薩克固山貝子。二十一

年卒。子扣冒襲。三十三年。扣冒卒。無嗣。

詔以根

惇之弟雙和爾降襲鎮國公。補四十五年卒。子諤勒哲

鄂羅什瑚襲。四十七年。

詔世襲罔替。

原佐領二

原

附輝特一旗曰下後旗。札薩克一等台吉游牧達瑪璘

從叔父羅卜藏乾隆二十年。大軍定伊犁。羅卜藏率屬

內附。

詔授今爵。隸杜爾伯特游牧。補二十一年

卒。子亥布襲。四十七年。

詔世襲罔替。

原佐領一

原

凡十六札薩克同游牧科布多金山之東烏蘭固木地。

原初三車。凌率屬來歸。

賜牧札克拜達里克

將軍策楞請徙之歸化城大青山東。

上慮滋新

降疑懼不許。已而車凌族台吉訥默庫等。輝特台吉阿

睦爾撒納和碩特台吉班珠爾等相率內附。

詔

賜牧塔楚河。鄰三車。凌牧二十年十二月。車凌等以乏

牧產請徙額克阿喇勒。諭曰前議平定伊犁後

遣歸額爾齊斯舊牧若額克阿喇勒距額爾齊斯較扎
克拜達里克路更遠且附內汛外調所部兵亦易俟掩
獲阿逆後仍當遣歸舊牧訥默庫之從征達瓦齊也請
徙牧拜達里克北札布堪河源博羅喀卜齊爾至鄂爾
海喀喇烏蘇界允之諭努力成功勿念
游牧眾至是以車凌等將徙牧
車附阿逆叛竄駐防烏里雅蘇合大臣械其孥至論如
律詔不附逆諸札薩克各安游牧額爾齊斯烏梁海
疑懼二十一年七月三車凌等徙牧額爾齊斯烏梁海
就撫以烏蘭固木地與之二十二年諸額爾齊斯特叛擾邊
車凌等請徙往烏蘭固木上遣使勘定地界車
凌等復請以烏蘭固木為耕屯地而游牧於科布多額
克阿喇勒詔可尋以錯牧不便定烏蘭固木為
杜爾伯特游牧別以科布多為烏梁海游牧就阿爾台
烏梁海察達克以科布多產貂不給捕請徙就阿爾台
陽額爾齊斯車凌烏巴什等奏察達克所請地係烏梁
海舊牧距臣等牧遠且烏蘭固木地沃衍臣等游牧久
請勿徙以額爾齊斯地給烏梁海詔如所請游
牧乃定額爾齊斯要略康熙二十九年罕都阿喇布坦
與噶爾丹聚牧阿爾台之科布多仍各領部眾原額朔

漢方略康熙三十二年厄魯特降人鄂欣等奏言噶爾丹在和卜多之源其地名索和克薩里補注秋濤按和卜多即科布多亦作科卜多其水源名索果克河蓋即索和克薩里也地在金山之旁是時尚為噶爾丹所據嗣大兵剿平噶爾丹而科布多遂為西北屯守重鎮烏蘭古木地接科布多設障開屯亦為要汛原注方略康熙五十四年七月費揚古奏以屯田事詢喀爾喀土謝圖汗等據稱蘇勒圖喀喇烏蘇拜達里克河明愛察罕格爾庫爾奇勒札卜罕河察罕度爾布拉克口烏蘭古木等處俱可耕種後都統穆賽等疏言烏蘭古木在新設汎界之外地並山坡山溝不使耕種其科卜多有延圖郭勒等處耕種收穫甚多應預備籽粒用器給與公傳爾丹率土默特人一千及出兵歸化城之土默特兵一千令往耕種五十五年二月諭議政大臣等若巴里坤科卜多烏蘭古木等處種地之事甚屬緊要若種地得收則諸事俱易尋議現今公傳爾丹等率土默特人一萬往烏蘭古木等處耕種所需牛種田器應令都統穆賽等支帑購買發往軍前贖罪人等有願耕種者許其耕種俟收成後以米數奏聞議敘五十七年閏八月議政大臣等議應令將軍傅爾丹等於科卜多烏

蘭古木所在築城墾田建置房舍設立驛站六十年十一月征西將軍祁里德疏言今春三月遣官兵在烏蘭古木特里河邊耕種每麥種一斗收麥二石有餘地吸土肥請於來年多墾之可望大收所收糧自特里運至烏巴薩池更以過渡小船由特里河至營省費而於餉有益六十年七月祁里德疏言前移都統圖喇等令速論總理屯種事蘇永祖赴烏蘭古木等處平治田畝開濬溝渠乘時播種復派前鋒統領卜柱及札薩克台吉根惇等統兵一千前赴烏蘭古木度形勢立營伍以資防守隨據蘇永祖呈報烏蘭古木地土肥饒水泉雖少儘可引溉乘農事畢引水入地來春凍開及時播種可增闢田畝十月奉旨據祁里德疏言在科卜多烏蘭古木等處開墾耕種因土沃水裕今年所得麥子一倍收有六倍請明年添種千石及詢問齋呈麥麴之阿禮等據云科卜多烏蘭古木地方廣闊開墾之處頗多原係厄魯特等耕種好地今應將歉收之茂密察罕度爾等處耕種人力移至科卜多烏蘭古木耕種可以多收雍正二年十月振武將軍傅爾丹疏報烏蘭古木處屯田獲麥四千一百七十石有奇德蔭堂集阿克敦再使準噶爾奏噶爾丹策凌言大皇帝聖旨

必欲定界。今厄魯特不得逾阿爾泰山梁。自哈拉巴爾圖克至薩克賴烏蘭古木額克阿拉爾南巴爾魯克烏薩克嶺。一直為界。我厄魯特沿山陽游牧。喀爾喀照舊在查布堪游牧。歷考諸書足知烏蘭古木之關係。邊防不亞於**原東至薩拉陀羅海納林蘇穆河**。科布多矣。案納林蘇穆河發源特爾斯河南沙地。西南流梁海旗界。六十餘里。與古薩爾泊水會。西北入烏布薩泊。會典圖說。烏布薩泊在杜爾伯特左翼旗北。西與北接唐努烏梁海。兕喀喇奇拉河。古薩爾泊水俱出。杜爾伯特左翼旗北。流薩克里哈拉河。亦出。杜爾伯特左翼旗東流。俱旗北。流薩克里哈拉河。亦出。杜爾伯特左翼旗東流。俱猪於烏布薩泊。按入烏布薩泊之水。除納林蘇穆河及圖說所舉外。東有特爾斯河。和賴河。東北有特爾斯河。北有伊爾河。博爾札爾河。齊塔齊河。西北有哈拉莽爾山。水。道光二十二年。進呈新修一統志。唐努烏梁海部五旗。定邊左副將軍轄烏梁海二十。五佐領。二在海勒格爾河東岸。東與土謝圖汗部右翼右未次旗接。南與賽因諾顏部中末旗接。二在庫蘇古爾泊東北。四當貝克穆河折西流處。三當謨和爾阿拉河源。四當噶哈爾河源。俱北與俄羅斯為界。十在西北。跨阿勒坦河。

阿穆哈河亦與俄羅斯爲界扎薩克圖汗部所屬烏梁
海五佐領一在庫蘇古爾泊北一在德勒格爾河西岸
南與札薩克圖汗部中左翼左旗接一北臨貝克穆河
西與南俱臨華克穆河一在漢什克河西一當札庫爾
河源寶音諾顏部所屬烏梁海十三佐領俱南依鄂爾
鄂汗山西與科布多所屬阿勒坦淖爾烏梁海二旗接
北與俄羅斯爲界哲布尊丹巴呼圖克圖門徒所屬烏
梁海三佐領在陶托泊北西臨華克穆河北與俄羅斯
爲南至哈喇諾爾齊爾噶圖山明阿特旗界會典圖說
界南至哈喇諾爾齊爾噶圖山明阿特旗界會典圖說
札布噶河自札薩克圖汗部西北流東南納空歸河又西
北會奇勒稽思泊愛拉克泊水西流南合都爾根泊客
喇泊水經明阿特旗滙於阿拉克泊明阿特旗出於烏
梁海後爲札薩克圖汗部中左翼左旗之屬乾隆三十
年撤出設一旗屬科布多參贊大臣游牧在科布多城
西新修一統志明阿特部一旗東界由塔拉布拉克起
至齊爾噶圖山科布多河止與杜爾伯特連界南界由
齊爾噶圖山起沿科布多河北岸至遜都里山止與喀
爾喀屯田兵厄魯特連界西界由遜都里山起至茂喀
止與杜爾伯特連界北界由茂喀起至察罕布爾噶蘇

烏爾布拉克塔拉布拉克西至索果克河原註接阿爾台

克止與杜爾伯特連界烏爾布拉克塔拉布拉克

圖說科布多河出阿爾泰烏梁海旗為索果克河東流

南合喇爾噶泊輝漢泊和通泊水東北流西合噶斯河

折而東南流經輝特下前旗杜爾伯特右翼旗南合塔

爾巴泊托爾博泊水北合烏里雅蘇圖河根德克圖泊

戴舒爾泊水遂名科布多河東南流經科布多城西布

彥圖河出阿爾泰烏梁海旗經額魯特旗西北流來會

又東流入阿勒克泊松漠艸詩注北渡科布多河至

薩克山麓有石人具蒙古冠服相傳為元太祖像以

示遠國之願瞻仰者又曰科布多河在烏里雅蘇台西

北千里濱河為城大兵駐此科布多箭橐也阿爾泰山

東面之水皆入此河與札布韓河合由愛拉克湖伏流

入於烏卜藏湖愛拉克譯曰酸乳烏卜藏譯曰寶藏橐

河西岸山名推忒呼為聖礙之義語本梵經穆案據此

則愛拉克湖為今伊克喇克泊烏卜藏湖當即烏布

薩泊也又松漠艸詩注並科布多二日程有湖名窩

克阿拉里譯曰慈母湖相傳康熙年間大軍征策妄阿

拉卜坦敗遁此湖居之經年所部食魚為活因比之為

慈母慈母湖之南有山如椅曰墨爾根西克譯曰賢鼎

三面臨湖中多茂艸野羸踞爲窟較家畜稍大惟土黃
一色出飲湖水常百十爲羣有象其馴者終不受鞍勒
乘之不能成步穆案窩克阿拉里疑卽今圖之伊克阿
喇克泊惟策妄無收遁居此之事恐係噶爾丹之誤
又松漠艸詩注鳥鼠同穴科布多河以東偏地有之方
午鼠蹲穴口鳥立鼠背蒙古人謂雀爲鼠之甥鼠名鄂
克託奈譯曰野鼠色黃雀名達蘭克勒譯曰長脰雀
新修一統志阿勒拉烏梁海部七旗東界由都噶淖爾
起至哈叨烏里雅蘇台止與厄魯特連界再由哈叨烏
里雅蘇台起至西伯爾沙札該山烏圖淖爾之南山止
與喀爾喀屯田兵連界東南界由惠圖僧庫爾起至都
木達僧庫爾浩賴僧庫爾之北山哈爾察克止與札哈
沁連界再由哈爾察克起至綽和爾淖爾那郭幹淖爾
之中山清依勒河那彥鄂博昌罕阿爾滿烏蘭波木止與
土爾扈特和碩特連界南界由烏蘭波木烏蘭波木起
至巴噶淖爾止與塔爾巴哈台所屬土爾扈特連界西
南界由巴噶淖爾起至噶勒札爾巴什淖爾北岸納林
哈喇山止與塔爾巴哈台所屬土爾扈特連界再由納
林哈喇山起至碑爾素克託羅垓止與塔爾巴哈台連
界西界由碑爾素克託羅垓起至巴爾哈斯淖爾止與

喀倫連界北界由巴爾哈斯淖爾起至哈寶里達巴止
 與喀倫連界東北界由哈寶里達巴起至哲斯達巴止
 古勒雅素沿索果克河科布多河西岸習集克圖河止
 與杜爾伯特連界又有阿勒坦淖爾烏梁海部二旗在
 索果克喀倫外東界由哈勒巴哈雅山起至布古素山
 博羅布爾噶蘇河止南界由博羅布爾噶蘇起至託申
 圖山習伯圖山達爾欽圖河止西界由達爾欽圖河起
 至阿爾占山巴勒塔爾罕山呼巴圖魯山止北界由呼
 巴圖魯山起至阿勒坦淖爾伯勒北至阿斯哈圖河
 山楚勒坤淖爾哈勒巴哈雅山止
 接烏里雅蘇台界會典圖說阿爾泰泊在阿爾泰諾爾
 烏梁海旗東北綽爾齊河沙克爾河巴什庫斯河阿斯
 哈圖河俱出阿爾泰諾爾烏梁海旗合北流豬焉東納
 格吉河西納巴哈齊里河伊克齊里河郭爾達爾河北
 流為阿爾泰泊又西北入唐努烏梁海界新修一統志
 杜爾伯特部十四旗東界由特斯河南岸起至薩拉陀
 羅海納林蘇穆河察罕努噶山與唐努烏梁海連界東
 南界由杭吉勒察克起至哈布齊克布拉克山拜姓圖
 之南山止與哈爾哈連界再由拜姓圖之南山起至奇
 勒稽恩淖爾愛拉克淖爾之南岸札布噶河北岸塔塔

呼特喀里止與喀爾喀連界南界由塔塔呼特喀里起
至哈喇淖爾綽諾哈味呼額可阿喇勒淖爾北岸齊爾
噶圖山止與科布多官廠連界西南界由齊爾噶圖山
起至塔拉布拉克烏蘭布拉克察罕布爾噶蘇茂垓科
布多河東岸止與明阿特連界西界由科布多河東岸
起沿河至索果克河東岸止與阿勒坦烏梁海連界西
北界由索果克河起至蒙古勒雅素哲斯達巴噶圖
維和爾淖爾喀倫止與阿勒坦烏梁海連界北界由哈
克淖爾喀倫起至哈喇烏里雅蘇台喀倫止與喀倫連
界再由哈喇烏里雅蘇台喀倫起至阿期哈圖河固爾
班喀倫昭莫多止與喀倫連界再由昭莫多起至罕達
該圖齊爾噶納鄂爾濟呼布拉克阿拉克鄂博喀倫
止俱與喀左右翼分二盟統賜名賽音濟雅哈
倫連界
圖國杜爾伯特族有伯什阿噶什者伊斯札布之曾
孫也聚牧伊犁河西沙拉伯勒境鄰哈薩克牧達瓦
齊虐之大軍西征率養子博東齊族台吉烏巴什等獻
籍三千餘戶降詔封伯什阿噶什札薩克和碩
親王烏巴什札薩克固山貝子暫置從衆額爾齊斯
賜諭曰爾衆甫至不必簡兵往從大軍亦無須徙

內地即游牧額爾齊斯爾族台吉車凌等將歸舊牧爾等聚族而處實為允協不必遠離故土徒勞往返也

命甫下伯什阿噶什等攜眾抵哈達青吉勒

詔暫留俟來歲歸額爾齊斯牧二十一年九月伯什

阿噶什來朝詔編旗分佐領如三車凌例別為

一盟伯什阿噶什尋卒命以兄子丹巴都噶爾

為札薩克固山貝子弟達瓦濟特為札薩克公轄伯什

阿噶什眾聽歸車凌牧未幾族台吉布圖庫等挈屬至

稱與車凌等析處久請異牧諭曰博東齊等雖

與杜爾伯特同族若往歸之反仰賴車凌等養贍著遣

往烏里雅蘇台交車布登札布酌徙呼倫貝爾通口呼

裕爾等處後博東齊及布圖庫等咸置呼倫貝爾補

秋壽按博東齊等編入駐防轄於呼倫貝爾都統歸黑

龍江將軍節制未設札薩克故附見於此不別著專條

也

補注秋濤按空窩圖湖即宰桑泊也亦曰齊桑諾爾

亦謂之鴻和爾淖爾駟源注以歸六駟駟駟駟駟

補注秋濤按額爾齊斯河源委甚遠至杜爾伯特排

牧處則在宰桑淖爾北岸西域水道記云額爾齊斯

河又西北瀦為宰桑淖爾淖爾圓橢形周四百餘里
俄俄河果莫孫河注其東南納林河哈流圖河注其
東北阿布達爾摩多河注其西復從淖爾西北溢為
額爾齊斯河濱河沃衍利耕牧杜爾伯特及烏梁海
人皆曾牧於斯杜爾伯特總傳云車凌及車凌蒙
克遣宰桑以善耕卒百赴額爾齊斯督屯田二十年
四月成衰扎布屯田兵由額爾齊斯移駐伊蘇圖經
格爾七月班師屯田兵撤還即此地也此條係蘇圖經
游歸於斯河注中下

蒙古游牧記卷之十三

甘泉李汝鈞覆校

蒙古游牧記卷之十四

平定張 穆初稿

光澤何秋濤補輯

額魯特蒙古新舊土爾扈特部總敘

標題秋濤
依例補

原土爾扈特部始祖元臣翁罕。姓不著。七傳至貝果鄂爾

勒克子四。長珠勒札幹鄂爾勒克生子一。曰和鄂爾勒

克。居於雅爾之額什爾努拉地。

補註西域水道記。雅爾地在楚呼楚山西

二百里。土爾扈特部舊居其額什爾努拉地。明崇禎時

土爾扈特和鄂拉勒克汗與緝羅斯交惡。越哈薩克。投

俄羅斯。西域圖志。雅爾舊爲準噶爾伊克明阿游牧之所。車凌班珠爾之昂吉。北極高四十七度五分。西三十

四度四十分。秋濤按土爾扈特部徙後。伊克明阿部始游牧於雅爾。圖志云。乾隆二十八年。於雅爾建肇豐城。

門四東翔和南乘離西布說北暨朔水道記則云三十年始建此城未詳孰是其地夏生白蠅遺蛆人目冬則大雪不堪其寒三十一年移城於楚呼楚即圖初衛拉今塔爾巴哈台城也雅爾城故址今尚存焉

特諸酋以伊犁為會宗地各統所部不相屬準噶爾部

酋巴圖爾琿台吉者

丹父也

游牧阿爾台恃其強侮

諸衛拉特和鄂爾勒克惡之挈族走俄羅斯屯牧額濟

勒河

羅斯所居地曰瑪努托海倚騰吉思思巨澤北界俄羅斯南界哈薩克東界哈喇爾榜西界圖里雅

斯科異域錄土爾扈特國王阿玉奇汗游牧地方在俄羅斯國界薩拉托付之東南俱曠野西北兩而有佛爾

格即額濟勒河環流東南有宰河環流南有騰吉思湖額濟勒河率河俱向南流歸入騰吉思湖沿額濟勒河

俱林木有柞楊樺叢視自薩拉托付以至阿玉奇汗所居瑪努托海地方其間有三道塔爾魯河三道胡班河

及塔爾渾並吳魯蘇屯之小河俱向西流歸入額濟勒河其河澤內產黃蓮白蓮蘆葦蒲其頰濟勒河之西岸

自薩拉托付以至騰吉思湖。又有俄羅斯國屬之西達喀穆什。城名擦里岑。城名噶喇斯諾雅爾。城名阿斯達爾。漢諸城柏興。自城池柏興以至瑪努托海地方西南一帶。皆興安山嶺。過此向西行百餘里。俱係圖里雅斯科國王空科爾汗所屬。和邦即莽武特人居住。詢問阿玉奇汗游牧地方大小。據言東西可行三十日。南北可行二十日。一統志。騰吉思湖。東西廣南北狹。周圍可七八百里。直波羅塔拉沙磧西北。其南尚有空吉思特吉思諸水。西北流注於其內。按十三排圖。阿玉奇作阿裕錫所居處在北極出地四十九度。西五十三度。強徐松龕中丞。稽余瀛環志略曰。我羅斯國。阿斯達拉干部一作迓大罕。為五瀋部之都。會窩瓦河從西北來。由此入裏海。兩岸草場豐美。牧畜蕃庶。即土爾扈特寄居游牧之地。西域聞見錄。謂烏巴錫因河冰未合。率河南戶口內附。而遺其河北。今考窩瓦河自西北而東南。烏巴錫之東徙。蓋攜其河東戶口而遺其西也。其地通衢四達。西域游牧各部互市者。絡驛於途。故富饒為五部之最。秋濤按。騰吉思湖亦名裏海。泰西人稱為喀爾士畢安。一日加斯比約。一日加士比淹。又曰北俄高海。大地中央巨浸也。詳見秋濤所著朔方備乘中。俄

羅斯嘗與雪西洋及西費雅斯科戰。土爾扈特以兵助之。厥後稍就弱。俄羅斯因稱爲己屬。土爾扈特習蒙古俗。務畜牧。逐水草。徙與俄羅斯城郭處異。衣冠用繪。屬復與諸衛拉特絕異。順治十二三四年。和鄂爾勒克子書庫爾岱青。爾臺遣使錫喇鄂木布。伊勒登諾顏。爾臺遣使錫喇尼和碩齊。羅卜藏諾顏。爾臺遣使沙克錫布達特爾漢烏巴什阿巴賴等。相繼遣使奉表貢書庫爾岱青子朋蘇克朋蘇克子阿玉奇。世爲土爾扈特長。至阿玉奇始自稱汗。爾臺遣使錫喇尼和碩齊。先是書庫爾岱青以巴圖爾輝台吉女爲子朋楚克婦。生阿玉奇。育巴圖爾輝台吉所和鄂爾勒克徙牧。不復攜。後書庫爾岱青赴唐古特還。假道準噶爾。索阿玉奇以歸。書庫爾岱青卒。朋楚克嗣。朋楚克卒。阿玉奇嗣。始自稱汗。康

熙中表貢不絕

補注秋濤按土爾扈特長和鄂爾勒克及準噶爾長巴圖爾輝台吉先通婚

嗣以交惡之故土爾扈特部遠徙額濟勒河之境然其

戚黨之誼仍未遽絕是以策妄阿喇布坦乞婚於阿玉

奇阿玉奇仍以女妻之阿玉奇之子散札布台吉攜眾

萬五千從往迨阿玉奇聞噶爾丹敗走遣宰桑以所部

兵千防諸阿爾台之土魯圖是阿玉奇雖遠在異域而

於準部軍務尙非緩長莫及至三十五年阿玉奇屬諾

顏和碩齊色布騰蒙克等從策妄阿喇布坦使入貢慶

捷優資遣歸則其時阿玉奇與策妄阿喇布坦

相睦情形大略可觀自噶爾丹既滅策妄阿喇布坦謀

并諸藩拉特始與阿玉奇構讐留散札布不遣阿玉奇

索其子乃逐散札布歸而盡沒入其從戶阿玉奇嫂攜

其子阿拉布珠爾入藏禮佛策妄阿喇布坦聞之不得

歸又不使阿玉奇入藏熬茶阿玉奇貢使蒙厚

賜策妄阿喇布坦邀奪于路而絕其貢道阿喇布珠爾

歸道斷則欵關乞內附我朝封爲貝子方思所以送

之歸者而阿玉奇亦以貢道梗塞遣使假道俄羅斯以

來於是使我圖理琛等亦假道俄羅斯報之自是土五

爾扈特始與中國隔絕非假道俄羅斯不得通矣

十一年復遣使假道俄羅斯貢方物

上嘉其誠

且欲悉所部疆域

遣內閣侍讀圖理琛等齎

敕往歷三載乃還阿玉奇附表奏謝

原注四庫全書總目提要

異域錄二卷

國朝圖理琛撰

康熙五十一年五月

圖理琛以原任內閣侍讀奉命出使土爾扈特由

喀爾喀起

俄羅斯國至其國五十四年三月回京復

命因述其道里山川民風物產以及應對禮儀隨

日記載其體例略如宋人行記所悉俄羅斯境曰楚庫

柏興曰烏的柏興曰柏海爾湖曰尼爾庫城曰昂噶拉

河曰伊聶謝柏興曰麻科斯曰揭的河曰那里木柏

興曰蘇爾呼忒柏興曰薩瑪爾斯科曰狄木演斯科曰

托波爾曰鴉班沁曰費雅爾和土爾斯科城曰費雅爾

和土爾斯科佛落克嶺曰索里喀穆斯科曰改果羅多

日黑林諾付曰喀山曰西穆必爾斯科曰薩拉托付曰

塔拉斯科曰托木斯科曰伊里木城皆其大聚落也其

地爲自古與記所不載亦自古使節所未經如史記述

匈奴北海上頗作疑詞故儒者類言然北海今據圖理

琛所記知伊聶謝柏興距北海大洋一月程又唐書稱
薛延陀夜不甚暗猶可博奕僅得之於傳聞圖理琛以
五月至其地知夏至前後確有是事皆我聖祖
仁皇帝德化覃敷威稜震疊故輅車所至莫不具驛傳
供芻糈涉越三四萬里如行闔閭故得以從容游覽見
所未見聞所未聞補旦古黃圖所未悉今土爾扈特已
全部內附而所記俄羅斯南路十四國乾隆乙亥以後
又已盡入版圖併以見武烈文謨顯承
敬佑所由拓億禎之
丕基者非偶然也 乾隆二十一年所部使吹札布等

入 覲稱奉其汗惇囉布喇什令假道俄羅斯三

載方至請赴唐古特謁達賴喇嘛 上遣官護往

二十二年自唐古特還並 頒賜惇囉布喇什幣

物 二十三年伊犁平有附牧伊犁之士爾扈特族台

吉舍稜等奔額濟勒河既而惇囉布喇什卒子渥巴錫

嗣爲汗。原三十六年，渥巴錫率諸台吉及舍稜等，率全

部三萬餘戶內附。原始乾隆三十九年，土爾扈特烏巴

錫聞綽羅斯特和碩特輝特皆亡，可以竊據伊犁游牧

也。卽聚俄羅斯，率衆南來。六月，至喀倫，知伊犁規模已

定，不能逞，乃籍衆歸順。曰：俄羅斯不與黃教，願依

於三十六年，誘俄羅斯兵爭圖理雅斯，科以其先控噶爾汗

斯與圖理雅斯，科兵爭圖理雅斯，科以其先控噶爾汗

失地故，背俄羅斯，不朝貢。俄羅斯征之，屢戰屢捷，而土

爾扈特逃俄羅斯，收其地，改建他藩，不復問。土爾扈特

所往，土爾扈特至伊犁，喀倫計，歸順。七十一，西

域聞見錄，鄂羅斯北鄰，控噶爾，與之構兵，屢經大敗。前

後徵兵於土爾扈特，死者亦七八萬。至是，復徵兵於土

爾扈特，人人危懼。烏巴錫計無所出，其新屬之額魯特

都爾伯特、懷特、霍碩特、四種人，原在伊犁之雅爾及哈

喇沙拉等處游牧，其山川路徑皆所熟悉，因以地之草

肥水甘，土田廣闊，可以占據立業，唆使烏巴錫攜衆潛

逃烏巴錫爲其所惑，遂與台吉喇嘛等密議定策，約定

北岸所居人戶於河冰凍結後一同逃赴伊犁時乾隆三十五年天氣溫和十月中旬河水不凍烏巴錫不能待河北人戶遂殺鄂羅斯匠役千人及貿易人等攜所部之士爾扈特霍碩特優特都爾伯特額魯特人眾四十六萬餘戶於十月二十三日起程沿途劫掠殘破鄂羅斯城池四處察罕汗聞警使其濟納拉喇領兵數萬追襲而烏巴錫人眾已逾坑格勒圖喇而南坑格勒圖喇者鄂羅斯之卡倫也已入中國地界濟納拉喇乃引兵還烏巴錫既入中國乃由巴爾噶什淖爾而進經過戈壁五日雖有水泉寸草不生牲畜倒斃無算行至青可斯察漢哈薩克人等羣起切奪互有殺傷至克齊克玉子地方其人強橫習於戰鬥其二品頂翎侍衛職銜之哈薩克合吉額勒里納拉里親領精銳萬人於要路屯紮烏巴錫不敢輕進相持半月有餘伊犁將軍論到令哈薩克人等加意保護地方不許土爾扈特在游牧之處穿走如有不馴即行殺戮烏巴錫計出無奈遂與額勒里納拉里講和向沙喇伯可而進行至沙喇伯可南界與布魯特地界相連布魯特聞之人各喜躍相慶以爲天賜聚集十餘萬騎星乘雲擁烏巴錫避入沙喇伯可北界之戈壁而千餘里之戈壁滴水寸草皆無時

際三月天氣溫暖人皆取馬牛之血而飲瘟疫大作死者三十萬人牲畜十存三四經十餘日狼狽逃出而布魯特久候於戈壁之外日夜追殺搶奪直至他木哈地方與內地卡倫相近布魯特始斂兵退烏巴錫至他木哈猶有男婦大小人口二十七萬將運遣侍衛普濟保等前往問其來意烏巴錫與其台吉喇嘛計議六七日始定以投誠將軍因獻玉器自鳴時刻表宣審瓷器自來火烏鎗拉古爾木碗金錢等物並獻伊祖所受明永樂八年漢篆勅封玉印一顆事聞奉旨差額駙色布騰巴爾珠爾等帶領烏巴錫及其台吉頭目赴熱河引

見秋濤接椿園所記土爾扈特投誠始末如此

而俞理初氏書其後云西人多謗土爾扈特者所間真偽相半耳前見乾隆三十六年京報舒文襄等奏六月三日土爾扈特車伯克多爾濟入卡倫見將軍言土爾扈特各愛滿載俄羅斯所習經典俱異早有來歸聖主之意今者烏布沙決意南來由伊散之越數日烏布沙至以道遇又值春暖馬匹損傷至哈薩克時阿布賚領兵相持明路又與阿拉里努拉立打仗部衆散失今自奎屯聚衆前來其道路所歷與見聞錄所敘略

同來歸之由實由舍楞唆搶伊犁既至而知其不可逞也舍歸順更無他法其人向眾又當計無復之舍撫之亦更無他法烏布沙即烏巴錫也理初又曰阿玉奇全家歸心中國但中國無誘降俄羅斯所屬人之理故久置之烏巴錫來歸以不與俄羅斯同教為辭合於阿玉奇言是有默啟之者獨恨烏巴錫不能知其先人感戴中國之忱其始念差耳然非以搶伊犁之故其部眾必憚於遠徙俄羅斯亦不甘於置之不問我高宗覆載同量然以俄羅斯界碑舊約亦不能直受之而無疑也是知其中有天焉聖人不探人之至隱而子其事之順也此天之所以為天也方今中外一家均無歧視而土爾扈特獨蒙惡聲故詳檢官私著述為訂證蓋自國初綏服蒙古以來至是乃盡族而臣之

詔以新舊別稱各設札薩克異牧而處補曰烏訥

恩蘇珠克圖盟

補註今作烏訥恩素珠克圖

舊土爾扈特部以汗渥

巴錫領之仍分賜牧地為東西南北四路皆和鄂爾勒

克裔渥巴錫所屬舊部也。曰青色特啟勒圖盟新土爾扈特部。以郡王舍稜領之。別授貝子一。皆衛袞察布察齊裔。從舍稜往而復歸者也。其和碩特貝勒恭格等則

自爲一盟附於南路云。

扈特

全部歸順。記曰：始逆命而

終徠服。謂之歸降。弗加征而自臣屬。謂之歸順。若今之土爾扈特攜全部舍異域投誠嚮化。跋涉萬里而來。是歸順非歸降也。西域既定。興屯種於伊犁。薄賦斂於回部。若哈薩克若布魯特。俾爲外圍而羈縻之。若安集延若巴達克山。益稱遠徼而概置之。知足不辱。知止不殆。朕意亦如是矣。豈其盡天所覆。至於海隅。必欲悉主悉臣。爲我僕屬哉。而茲土爾扈特之歸順。則實天與人歸。有不期然而然者。故不可以不記。土爾扈特者。準噶爾四衛拉特之一。其詳已見於準噶爾全部紀略之文。溯厥始。率亦荒略。弗可考。後因其汗阿玉奇與策妄阿勒布坦不睦。歸俄羅斯。俄羅斯居之。額濟勒之地。康熙年間。我皇祖聖祖仁皇帝嘗欲悉其領要。令侍

讀圖理琛等假道俄羅斯以往而俄羅斯故爲紅纒其
程凡行三年又數月始反命今之汗渥巴錫者卽阿玉
奇之曾孫也以俄羅斯征調不息師旅近且徵其子入
質而俄羅斯又屬別教非黃教故與合族台吉密謀挈
全部投中國興黃教之地以息肩焉自去歲十一月啟
行由額濟勒歷哈薩克繞巴勒喀什諾爾戈壁於今歲
六月杪始至伊犁之沙拉伯勒界凡八月歷萬有餘里
先是朕聞有土爾扈特來歸之信慮伊犁將軍伊勒圖
一人不能經理得宜時舒赫德以參贊居烏什辦回部
事因命就近前往而畏事者乃以新來中有舍稜其人
曾以計誘害我副都統唐喀祿因以竄投俄羅斯者恐
其有詭計議論沸起古云受降如受敵朕亦不能不爲
之少惑而畧爲備焉然熟計舍稜一人豈能聳動渥巴
錫等全部且俄羅斯亦大國也彼旣背棄而來又擾我
大國邊界進退無據彼將焉往是則歸順之事十之九
詭計之伏十之一耳旣而果然而舒赫德至伊犁一切
安汛設偵籌儲密備之事無不悉妥故新投之人一至
如歸且掄其應觀者由驛而來朕卽命隨圍觀獵且於
山莊燕資如杜爾伯特車稜等之例焉夫此山莊乃後
皇祖所建以柔遠人之地而宴資車稜等之後

遂平定西域茲不數年間又無意中不因招致而有土
爾扈特歸順之事自斯凡屬蒙古之族無不爲我
大清國之臣神御咫尺有不以志而愉快者乎予小子所以

閱後成慙

天龍惴惴焉孜孜焉惟

仰答

祖恩益凜

德所致哉或又以爲不宜受俄羅斯叛臣虞起邊鮮蓋

舍稜卽我之叛臣歸俄羅斯者何嘗不一再索取而俄

羅斯訖未與我也今旣來歸卽以此語折俄羅斯彼亦

將無辭以對且數萬乏食之人旣至近界驅之使去彼

不劫掠畜牧將何以生雖有堅壁清野之說不知伊犁

甫築新城而諸色人皆賴耕牧爲活是壁亦不易堅而

野亦不可清也夫明知人以嚮化而來而我以畏事而

止且反致寇甚無謂也其衆涉遠歷久力甚疲矣視其
之死而惜費弗救仁人君子所不忍爲况體天御世之
大君乎發帑出畜力爲優恤則已命司事之臣茲不贅
記記事之緣起如右又御製優恤土爾扈特部
衆記曰歸降歸順之不同旣明則歸順歸降之甲乙可
定蓋戰而勝人不如不戰而勝人之爲盡善也然則歸
歸不如順而來歸之爲盡善也然則歸順者較歸降者

之宜優恤不亦宜乎。土爾扈特歸順源委已見前記。茲記所以優恤之者。方其渡額濟勒而來歸也。戶凡三萬三千有奇。口十六萬九千有奇。其至伊犁者。僅以半計。夫以遠人。嚮化攜孥屬而來。其意甚誠。而其貼危求息。狀亦甚憊。既撫而納之。苟弗爲之贍其生。猶弗納也。贍之而弗爲之計。長久猶弗贍也。故自聞其來。及其始至。以迨于今。惟此七萬餘衆。凍餒疋瘠之形。時懸於目。而側於心。凡宵旰所究圖。郵函所諮訪。無暇無輟。乃得悉其大要。於是爲之口給以食。人授之衣。分地安居。使就米穀而資耕牧。則以屬之伊犁將軍舒赫德。出我牧羣之孳息。驅住供饋。則以屬之張家口都統常青。發帑運茶。市羊及裘。則以屬之陝甘總督吳達善。而嘉峪關外董視經理。則以屬之西安巡撫文綬。惟時諸臣以次馳牘入告。於伊犁塔爾巴哈台之察哈爾額魯特。凡市得馬牛羊九萬五千五百。其自達哩剛愛商都達布遜牧羣運往者。又十有四萬。而哈密關展所市之。三萬不與焉。撥官茶二萬餘封。出屯庾米麥四萬一千餘石。而初至伊犁賑贍之茶米不與焉。甘肅邊內外暨回部諸城購羊裘五萬一千餘襲布六萬一千餘疋。棉五萬九千餘斤。瑪廬四百餘具。而給庫貯之。瑪棉衣什布幅不與。

焉計費儲用帑銀二十萬兩而賞貨賂賁及宴次資予
不與焉其台吉渥巴錫等之入覲者乘傳給餼而來至
則錫封爵備恩禮其往也復慮其身之生不宜內地氣
侯則命由邊外各台歷巴里坤而行而迎及送並遣大
臣侍衛等護視之用以柔懷遠人俾毋致失所有以爲
優恤太甚者蓋意出於鄙吝未習聞國家
毋惑乎其見之隘也昔我
喀爾喀土謝圖汗等爲厄魯特所殘破率全部十萬衆
來歸
皇祖矜其窮阨命尙書阿喇尼等
往撫之發歸化城張家獨石口倉儲以賑其乏且足其
食又
敕內大臣費揚古明珠等齎白金茶布以
給其用採買生畜以資其生遂皆安居得所循法度樂
休養迄今八十餘年畜牧日以蕃生施日以盛樂樂利
利殷阜十倍於初其汗王台吉等世延爵祿恪守藩衛
一如內札薩克之效臣僕長子孫莫不感戴
皇祖澤及人之深得以長享昇平之福也惟朕體
皇祖之心爲心法
皇祖之事爲事惟茲土爾
扈特之來其窮阨殆無異曩時之喀爾喀故所以爲之
籌畫無弗詳賜惠無少靳優而恤之且計長久庸詎知
謀之勞而費之鉅乎冀茲土爾扈特之衆亦能如喀爾

喀之安居循法勤畜牧務生殖勿替厥志則其世延餘
祿長享昇平之福又何以異於今之喀爾喀哉川是臚
舉大凡勒石熱河及伊犁俾土爾扈特汗全部眾咸識
朕意且以詔自今以往我諸臣之董其事者松筠綏服
紀略云土爾扈特本係準噶爾四衛喇特之一與都爾
伯特無異雖遠居俄羅斯地會遣使朝貢輸誠既聞
天兵平定伊犁振興黃教復憶都爾伯特歸順久享
昇平不禁仰慕傾誠率眾內附蓋土爾扈特一部
先年因與準噶爾不睦遂入俄羅斯居額濟勒游牧傳
數世至阿玉奇汗伊子察克篤爾札布孫敦魯布喇什
會孫乃渥巴錫也渥巴錫於乾隆三十五年明背俄羅
斯攜全部由哈薩克戈壁巴勒噶什淖爾一帶行入閭
月至伊犁敬陳投順之意時伊犁將軍舒赫德奉
命收撫安戢賑其窮乏授以牧地渥巴錫等傾心感
激卽於三十六年入覲天顏錫封渥巴錫爲汗
餘封親王郡王貝勒貝子公札薩克台吉有差
聖慮深遠一一指示於伊犁東之精河游牧住貝勒一
庫爾喀喇烏蘇游牧住郡王一喀喇沙爾游牧住汗渥
巴錫及貝勒貝子各一近塔爾巴哈台之和博克薩哩
游牧住親王一札薩克台吉一近科布多之阿勒台游

牧住郡王一貝子一其食俸輪班
入觀一如都爾伯特之制

珠勒都斯舊土爾扈特蒙古烏訥恩素珠克圖盟南

路游牧所在標題秋濤依例補珠勒都斯地在天山南渥

巴錫初賜齋爾牧後遷珠勒都斯然欽天監所刻

時憲書仍稱齋爾土爾扈特考徐松新疆賦注云

乾隆二十五年以回部各城節氣載入時憲書三

十八年編土爾扈特和碩特入時憲書而渥巴錫

之移牧則在三十八年四月以後蓋欽天監編纂

係在未移牧之前故仍稱齋爾也附記於此以備

訂考

原南路舊土爾扈特部補在喀喇沙爾城北補喀喇沙

入千九百五十里原西域釋地喀喇沙爾漢馬耆國

唐置焉耆都督府於此後改碎葉鎮宋為西州回鶻木

名哈爾沙喇後定今名喀喇言黑沙爾城也補新疆

識略喀喇沙爾城東北至吐魯番城一千零二十里西

南至庫車一千一百六十三里南至沙山二百里北至
砂札蓋圖卡倫一百四十里西北至那喇特達巴罕四
百八十里交伊犁界喀喇沙爾舊有軍臺十一處乾隆
三十年裁減察罕通格曲惠二臺三十五年添設阿哈
爾布拉克臺五十二年裁托克遜布幹二臺改歸吐魯
番管轄緒廷璋西域詩喀喇沙爾風雨猶疑鐵騎屯至
今沙磧有遺痕焉若鎮磨蒲海射時噉戍樓高處分襟帶山
挂輪臺飛皎月劍磨蒲海射時噉戍樓高處分襟帶山
木遺經費討論自注西境為漢烏壘城都護居此於西
域為中又西有地名玉古爾漢輪臺城南有羅卜淖爾
為古蒲昌海曹麟開新疆紀事詩喀喇沙爾積路當年
闢復迷幾多折戟沒沙泥鐵門險振焉耆北烏墨威宣
突騎西捷木一支吞海闊回峰四面抱城低祇今西域
徵遺傳笑說豐碑勒白氐自注唐時焉耆王遣使來朝
云自隋亂磧路閉故取道高昌請開磧路以通行旅帝
許之高昌怒攻陷五城詔侯君集討平高昌歸所俘及
城又唐貞觀中都護郭孝恪執其王突騎支又唐阿
史那社爾擒其王那支以其地為都督府勒石紀功

當天山之南又曰折羅漫山其山遠自慈嶺分支自喀

未功即所

原

蒙古游牧記十匹土爾扈特一

什噶爾之北進東而行經烏什阿克蘇庫車喀喇沙爾
關展之北又東行入鎮西府界至塔勒納沁而止皆曰
天山東兩縣互三千餘里層峰疊嶂隨地異名蓋以百
數三州輜略曰天山自葉爾羌西南蜿蜒而來曰葱嶺
至闐勒玉山分脈其東南一支遠和闐而東行其西北
一支遠英吉沙爾喀什噶爾之西又北行達布魯特境
東行遶烏什之北又逕阿克蘇之北又逕庫車喀喇沙
爾吐魯番之北縣巨七八千里而至哈密東北百餘里
爲北天山又百餘里截然而止則在巴里坤之東名鹽
池山伏入地中矣此山爲南路回疆西路伊犁之分界
山陽爲自哈密至葉爾羌南路山北則由巴里坤至伊
犁北路也鹽池山之南沙磧漫野即希爾哈戈壁所謂
千里瀚海也其山伏地千餘里至嘉峪關外沙州之東
突兀起頂東行名祁連山所謂南天山也再東行至洞
素達巴罕過脈東北行至巴圖爾達巴罕北分一支至
入寶山形如蓮華尊成嶽體乃西甯涼州甘肅州四
郡之鎮山也又自鎮素達巴罕東行至野馬川之東景
陽嶺自南而北東分一支結涼州諸山西分一支與察
罕鄂博過脈西行至祁連達巴罕過脈向北分一支結
甘肅諸山王芭孫西販牧唱曰二萬與圖指掌通犬荒

直北是西濛冰天火地皆

堯壤一髮祁連界畫中

羣山莽莽走中原岡底斯蹲氣脈尊青海南趨葱嶺北

太行王屋總兄孫自注天山以北準噶爾都居之俗強

悍逐水草無城郭天山以南回部居之風氣柔弱有城

郭習耕種天山卽祁連山宇宙間山無大於此者漢書

匈奴謂天爲祁連今準語猶然也洪亮吉天山贊曰自

涼州以西抵伊犁凡七千餘里地勢極高天山轉下其

橫亘南北界畫中外戴雪萬仞排雲百重半嶺以上靈

禽不飛百步之外晴霞尙炫者皆爲天山亦名雪山北

人所呼爲祁連山也夫天者特積氣耳今祁連諸峰尙

有出積氣之上者又况外則積鹵中藏秀靈松栢芝菌

延年養生之藥無一不備寒暄晝夜風雨晴晦之節與

外適殊懸溜飛瀑高逾石門雲液石乳百倍天目而世

人不之知逸客不之訪者豈非以徑路絕遠逾流沙瀚

海火山風穴之險始足以盡其奇耶且漢世雖當通西

北國矣然票騎浞野挺劍持戟旣無意於搜奇博望定

遠鑒空進執亦不期於攬勝是則天地之奇山川之秀

甯不待千百載後懷奇負異之士或因行役而過或以

遷滿而至者一發其底蘊乎夫太華太室僅中土之奧

能企焉。抗不相讓。實惟祁連山。沐塔里足。排居延。萬古積雪。無人及巔。其標挺外。其秀貯腹。萬松撐拄。高出若木。我登支峰。意欲濯足。珠勒都斯。西域釋地。珠勒洪流。洶洶斜出。飛瀑。珠勒都斯。都斯山。在喀喇沙爾城。北珠勒都斯之地。北連雪山。回環千餘里。水草豐茂。爲土爾扈特和碩特游牧備。秋。濤按和甯。回疆通志。康熙五十五年。散秩大臣祁里德奏。俟來年由巴里坤。剿吐魯番。乘勢取珠勒都斯地。諭軍所大臣定議。按當時將軍富甯安奏。請於哈密附近等處。可耕地。募兵興屯。於是祁公有此議。以珠勒都斯地肥饒。故也。至乾隆中。始移駐蒙古。於此。又按要略云。乾隆二十年。和碩特台吉羅卜藏車梭子。曰諾爾布敦多克。游牧額珠哈畢爾噶。遣長子鄂齊爾。馳降。定西將軍班第。遣招其族。台吉三濟特。間之。獻籍三百戶。我將軍薩拉爾。集伊犁。宰桑等。定議。約諾爾布敦多克。及沙克都爾曼濟子圖們。以兵至博羅塔拉。布爾哈蘇台。閱勒奇嶺。剿阿逆。諾爾布敦多克。圖們。各遣使至巴里坤。諾爾布敦多克表曰。臣願奮志剿賊。上嘉其誠。詔封公。爾二十一年三月。諾爾布敦多克。來歸。薩拉爾等。既定謀。阿逆偵知之。先爲備。諾爾布敦多克。以兵擊諸伊。

羣之諾爾斯哈濟拜牲不勝偕薩拉爾間道行由珠勒
都斯至巴里坤時沙克都爾曼濟抵策楞軍
令遺書其子圖們以兵護牧書未達明噶特附阿逆叛
脅所部衆圖們不之從羣戚屬抵珠勒都斯請內徙

詔封多羅貝勒

賜銀千兩

賞三眼

孔雀翎

論由額琳哈畢爾噶往會沙克都爾曼

濟七月沙克都爾曼濟攜子圖們及博爾和津等由珠
勒都斯至巴里坤乞屯牧近地二十三年三月成袞札

布爲定邊將軍估參贊大臣舒赫德由珠勒都斯進按
地勢言之額琳哈畢爾噶在伊犁東北珠勒都斯則在

伊犁東南阿逆以伊犁叛時大軍在巴里坤諾爾布敦
多克及圖們由問道達巴里坤皆出珠勒都斯則珠勒

都斯爲天山南北路相通要隘明矣及南路進兵亦必
由此漢時烏孫爲西域強國唐置鷹娑都督府爲重鎮

有以哉無名氏新疆紀略哈喇沙拉城中回人及
土爾扈特人裸處初係回城土字寬廣著勒土斯山場

回環千里草肥水甘多野牲足資游牧河水暢流足資
灌溉故人戶繁盛果木黍稷夙稱富庶準噶爾恃強據

爲牧場人多逃亡及官兵定伊犁以其地要害設辦事
大臣一員駐劄後土爾扈特來歸遂將其汗烏巴錫部

落和碩特貝勒恭格部落安插於著勒土斯資其游牧
教之耕種京差侍衛三員管理其人開都河南北兩岸
及著勒土斯牧場屯帳雲屯皆伊等所居也數年來漸
知稼穡然其人貧而情性喜盜掠商民回戶頗受其害
婦女鍼黹則遠勝回戶極貧之男婦子女多鬻於各城
回人為奴而盜馬竊衣逆竄不知所往者復踵相接也
百七十里原係回城準噶爾吞併回人逃亡死絕其地
竟無人煙移徙碩特人來此游牧乾隆二十年大兵
平定伊犁霍碩特多遭誅戮其餘逃散地竟空虛創建
一城東西南三門圍僅三里乾隆三十五年後土爾扈
特來歸安插於著勒土斯令其資生並將噶子滿回子
二百戶移歸庫爾勒回城所有哈喇沙拉城垣左近一
帶地方均給土爾扈特和碩特等游牧且教之耕種回
疆通志云著勒土斯山西陞紀略作準圖斯在喀喇沙
爾城北一帶乾隆三十六年安置土爾扈特霍碩特兩
部落所屬人萬餘戶任牧於此春三月入山居住秋九
月出山在喀喇沙爾附近草地支架蒙古包居住又云
阿克蘇辦事大臣每年接到喀拉沙爾土爾扈特霍碩
特八山咨文派官兵坐卡倫九月出山嶺回卡倫咨報

各補至京師入千六百餘里古西戎地漢及魏晉爲

烏孫國地爾雅秋濤按晉書焉耆國北與烏孫接焉耆爲今之喀喇沙爾則珠勒都斯當爲晉烏孫

地北魏爲高車國地周爲突厥地隋爲西突厥地唐爲

廳娑都督府地唐書突厥傳永徽五年前軍蘇定方擊賀魯別帳鼠尼施於廳娑川賀魯

已滅以鼠尼施處半部爲廳娑都督府地理志廳娑都

督府以鼠尼施處半部置隸北庭都護回鶻傳契苾亦

日契苾羽在焉耆西北廳娑川多覽葛之南秋濤按廳

娑都督府以廳娑川得名唐以處半部爲廳娑都督府

而契苾在廳娑川土地屬接壤以焉耆西北宋屬西州

地勢準之則珠勒都斯河卽古廳娑川矣

回鶻明爲回部所據乾隆二十三年回部平地屬喀喇

沙爾大臣轄三十六年賜南路舊土爾扈特及

中路和碩特爲牧地爾雅四旗曰南路汗旗札薩克卓哩

克圖汗游牧渥巴錫者阿玉奇會孫也乾隆三十六年

挈所部內附昆弟子姓從之入 覲 詔仍

稱汗洩其眾 賜號卓哩克圖授札薩克三十七

年 賜牧齋爾 度三十分距 京師偏西三十一

皮塔爾巴哈台西南境也漢為匈奴右地到支單于居

此魏為烏孫國地元魏為高車地周隋為突厥地唐為

三葛邏祿部地自迪化州北行三百里至哲克得里克

折西行踰哈畢爾噶布拉克托來布拉克至納木納木

西四十里至穆呼勒鄂多特又西二十里至達爾達

木圖又西二十里至蘇海圖又西南二十里至伊奇

布古圖又西南至尼楚滾布古圖又西四十里至伊奇
又西四十里至綽爾折而東北五十里踰山即至齊爾
東北距額敏三百里地廣饒水草舊為準噶爾阿克巴
六極布里木甸杜爾巴甸推素隆甸伊克呼拉爾五集
漢游牧之所乾隆二十四年大兵進剿五集賽罕桑

達什策凌等以其地內屬三十六年六月渾巴爾等來

指與伊犁之沙喇伯勒等處附近西邊易於逃竄烏嚕

木齊一帶又距哈密巴里坤卡路甚近朕意令居住塔

爾巴哈台東科布多西之額爾齊斯博囉塔拉額密勒

七年送以齊爾伊犁將軍伊勒圖等會同酌議具奏三十

八年徙牧珠勒都斯先

泥巴錫懇請移居珠勒都斯伊勒圖奏言現有努魯布

稟告泥巴錫所屬四宰桑欲行脫逃之事如邊移牧恐

其所屬不無疑懼請俟二三年後再為酌辦是年四月

伊等生計甚有裨益從前伊勒圖並未面詢泥巴錫僅

按一時情形不便遷移而言今覽舒赫德所奏實可為

久遠計俟本年秋收後即將泥巴錫之游牧移於珠勒

都斯居住所需口糧耕種等項即於哈密開展所貯銀

兩內動撥採買烏什等處回人所種之穀運至喀喇沙

爾以備分給泥巴錫所屬人眾種地農器就近於關展

哈密等處運往自是渾巴錫之牧地乃定是時泥巴錫

所屬有索羅木者復控宰桑巴勒黨等謀奔俄羅斯大

月。往俄羅斯。今索羅木係巴勒黨所擒之人。俄羅斯地方
及此處並無伊子弟親戚。伊又告巴勒黨等現商議欲
逃。尚屬事之所有。然巴勒黨現隨渥巴錫居住。不過係
一宰桑。伊如逃往俄羅斯。則俄羅斯必另行優待。速提
集努魯布沙爾瑪克交軍機大臣審訊。惟是渥巴錫所
屬人眾屢經審訊。不免疑懼。伊勒圖於辦理此事時。即
曉諭渥巴錫云。前次辦理原是不審辦。將來汝所屬人眾俱
之大宰桑。伊倡率欲逃。如不審辦。將來汝所屬人眾俱
行脫逃。汝屬下無遣差辦事之人。即有亦難約束。是以
如是辦理。原欲汝屬人各知法紀。庶汝得久享。**原**三十
天朝恩養如此。曉諭則伊等疑慮皆可解釋。**原**三十
九年。三月初。土爾扈特內附。渥巴錫獻七寶刀及金
器。羅俄羅斯在哈薩克西北。自昔未通中國。故不隸職
方。前籍鐵及良馬。阿玉奇游牧額濟勒河。嘗往來洪諾
爾。因得其刀。以為佩。令子孫世守之。渥巴錫獻刀。且告
世為。天朝臣僕。繼自今無甲兵患也。及
牧齋爾遣三等侍衛阿思哈往護視。三十九年。阿思哈
受代還渥巴錫復爾思及七首各一。乞阿思哈齋貢。

上嘉其誠後先所子策琳納木札勒襲四十年

定齋爾牧為舊土爾扈特部南路以策琳納木札勒領

之授盟長賜札薩克及盟長印四十八年

詔世襲罔替

原出佐領五十案續修蒙古王公傳有

異母弟也策琳納木札勒既襲汗爵高宗純皇

帝命於所轄五十牛朵內分十五牛朵與阿拉布坦多

爾濟令隨其母喀屯同居阿拉布坦多爾濟卒以其子

那木札勒多爾濟為一等台吉時甫五歲嘉慶五年喀

屯詣伊犁將軍松筠言那木札勒多爾濟年已十六歲

求給札薩克印以資統轄松筠奏那木札勒多爾濟尚

幼無勞績請給印而不于俸俟成人時奏聞請

旨從之

甫八歲五十七年卒子霍紹齊襲爵嘉慶四年三月喀

喇沙爾大臣阿爾塔什第奏霍紹齊之祖母喀屯聞

兩送京交喇嘛等念經等語論曰此事斷不可

行阿爾塔什第彼時並不阻止且又具摺奏請糊塗太
不曉事除申飭外霍紹齊並伊祖母誠惻實不可泯著
阿爾塔什第曉諭已將爾等誠意奏聞大皇帝奉旨從
前爾等仰蒙太上皇帝恩施備至今若准爾所

請遠道運送銀兩念經轉恐不能仰體太上皇
帝愛育爾等至意此事斷不可行朕見爾等誠惻可嘉
深為惻然想太上皇中旗札薩克巴雅爾圖多
帝在天之靈亦必垂鑒也

羅貝勒游牧汗達巴錫從子額墨根烏巴什父唐阿特
祖巴圖惇羅布喇什弟也乾隆三十六年封固山貝子

賜號巴雅爾圖授札薩克尋卒子恭坦襲四十

年授副盟長轄南路中翼旗務賜札薩克印補

四十八年詔世襲罔替嘉慶十六年原卒子巴

勒丹拉什襲卒子蒙庫那遜襲道光十年晉多羅貝勒

世襲罔替原註作領二右旗札薩克輔國公游牧汗渥巴錫

從子拜濟瑚父喀木齊克唐阿特弟也乾隆三十六年

封今爵三十七年詔轄南路右翼旗務

賜札薩克印四十八年詔世襲罔替領一佐

旗札薩克一等台吉游牧汗渥巴錫從弟伯爾哈什哈

父多爾濟喇什巴圖弟也乾隆三十六年授今爵四十

年詔轄南路左翼旗務賜札薩克印四

十八年詔世襲罔替領一與中路和碩特三

旗同游牧有珠勒都斯河繞游牧境原註珠勒都斯舊作著勒都斯又作

裕勒都斯欽定新疆識略開都河凡三源一源日小珠勒都斯河西北流經楚爾嶺會英布拉圖水又

西會巴哈布拉圖水又西會克札哈蘇台水又西會固爾
班克勒特水又西會克穆訥克圖嶺水又四曰里折而
南流至哈爾噶圖與大珠勒都斯河合一源曰大珠勒
都斯河東流會特里木哈達水又東會布連布拉克水
凡一百里至哈爾噶圖而與小珠勒都斯河合二水既
合復分爲二支皆東流南支行三百餘里有綽羅特克
嶺水楊河沙爾水扣克訥克嶺水厄西謨水烏柯克嶺
水自南來注之北支亦行三百餘里有烏爾圖布拉克
水薩必爾圖布拉克水郭爾和布拉克水台里布拉克
瑪圖哈布齊爾水烏蘭嶺水固爾班敖克克水自北來
注之二水復合而東有恭哈布齊爾水察罕烏蘇水達
蘭嶺水自北來注之復東爲開都河一源曰和屯博克
達嶺水南流石會哈布齊海水又東南流左會薩薩克
水復南分二支入開都河開都河東南流經喀喇沙爾
城西南五里東流爲博斯騰淖爾在烏沙克塔爾臺南
漢書西域傳焉耆近海多魚鳥魏書西域傳焉耆國南
去海十餘里焉耆爲今喀喇沙爾所謂海者卽博斯騰
淖爾也開都河既入淖爾復自淖爾西南溢出西流入
哈爾阿滿山口經哈爾阿滿臺四十餘里出山南流二
十里折而西過庫爾勒回莊北又西南流七十里過哈

喇布拉克臺折而南流二百里入大河。水經注云：焉耆之水自西海逕尉犁國，又西出沙山鐵關谷，又西南流逕連城，別注裂以爲田。其水又屈而南，逕渠犁國，又東南流逕渠犁國治，又南流注於河。自西海逕尉犁國者，卽自博斯騰湖溢出而流也。沙山鐵關谷者，當卽哈爾阿滿山谷間。逕連城，別流裂以爲田者，當卽勒其地皆良田。今猶導渠以資灌溉焉。西域水道記：哈喇沙爾西境直庫車城北之汗騰格里山，山東百餘里有地曰阿喇爾，湧泉百餘，會以東流，卽大裕勒都斯河。回語裕勒都斯星也，源處發源如星，極四十二度四十五分。西三十四度三十分，其地土爾扈特卓哩克圖汗所牧也。小裕勒都斯出自阿喇爾，陰克遜之北源處，極四十三度十分。西三十一度三十分，和碩特牧地也。又引西陲紀畧：載雍正中，使臣至準噶爾，行程記云：自察罕鄂博圖住小裕勒都斯九十里，途地平坦，水草皆好。自小裕勒都斯住大裕勒都斯八十里，路平，水草佳。兩裕勒都斯冬夏偕宜，惟春季猶雪飛，寒無時。遇風卽結成糝。自此路分兩歧，取其捷者，自大裕勒都斯六十里，住鄂博庫爾山口，又五十里，過鄂博庫爾嶺，若取其坦者，自大裕勒都斯向西南行，過烏納罕達罕嶺。

空格斯東踰天山至博爾圖嶺原名接烏魯木齊今為迪化州

河源秋濤按博爾圖嶺亦名博羅圖塔克在闕展西南

喀喇沙爾東北境其山與阿勒泰山南北相接形如鎖

鑰西通準部南界回疆天山南路一大關隘也山多積

雪博羅圖河發源北麓人北谷口西行通裕勒都斯出

西南谷口西南行即喀喇沙爾境乾隆二十六年

遣官告祭博羅圖山文曰惟神體結坤輿靈昭兌位

連峯峻峙拔萬仞以倚天積雪高嶺歷四時而浮玉作

花門之巨鎮永奠西遐界慈嶺以中維遙通南道朕統

臨縣寓式廓與國異域歸仁列障暨于闐之外殊方在

岩興屯踰鳥壘而遙乃諸部之往來仰崇山之縣互雖

幽遐不閉久已荷平天休而梯棧無虞實更資乎神應

用申秩祀練時日以薦馨敬遣專官肇厥縣而展告自

此途開九折共遵王路之蕩平亦惟寒斂六花長被春

風之和煦不彰肝蠶來鑒必芬又欽頒歲春秋

祭祝文曰惟神鍾靈遐域正宅西陲險關懿叢導我武

維揚之路高踰龍阜界殊方內屬之區作巨鎮於回中

峯巒嶂疊通輿區於域外棧接梯連實為名山允宜嘉

秩朕八荒在闕六合為家既者定乎準夷遂全收乎同

部興屯更戌宜安枕席以過師駐牧游羣當順涼暄而
應候惟神庥之是賴仰靈貺之攸昭爰仰圭幣之儀登
諸祀典更肅春秋之祭載在秩宗並協柔懷宜彰肝鬲
長此冰銷寒玉調燭被于光天行當雪浹春膏湛恩漸
于絕微茲芬式南至扣克納克嶺漢龜茲國唐置安西
都護府於此庫車猶衝衝其地爲達西南要路故名至
東南阻沮鄒西北踰天山通伊犁秋濤按扣克納
克嶺亦名庫克納克達巴在愛呼木什嶺西五十里額
什克巴什河發源南麓山脈自天山正幹西至天山
之額什克巴什山分支東行六十里至此西至天山
踰天山接伊犁所屬察哈爾游牧界察哈爾爲元部衆
明史所謂藉酋是也天聰時林丹汗暴虐太宗
文皇帝興師伐之林丹汗走死乃封其子額哲於義州
邊外康熙十四年復叛削平之收其衆令游牧宣化大
同邊外編爲八旗統歸察哈爾都統治之高宗
純皇帝平定新疆移察哈爾人戶游牧伊犁塔爾巴哈
台伊犁察哈爾八旗牧地在伊犁東北境北一帶設喀
倫踰喀倫卽哈薩克界屬伊犁將軍轄塔爾巴哈台察

哈爾與額魯特哈薩克各佐領同游牧牧地東與霍博
克薩里土爾扈特接界西北踰喀倫皆與哈薩克接界
屬參贊北至喀倫年間建設防時分移達什達瓦衆
大臣轄是為額魯特上三旗又有自哈薩克布魯特中
於伊犁是為額魯特下五旗又土爾扈特投誠時
投回伊犁者是為額魯特及喇嘛之沙畢那爾
自額濟勒攜來之準噶爾額魯特及喇嘛之沙畢那爾
額魯特亦附入下五旗同游牧伊犁南境南倚天山東
西南皆設喀倫東接精土爾扈特游牧界西接布魯特
界南踰喀倫即天山接珠勒都斯界轄於伊犁將軍
新疆議畧喀喇沙爾土爾扈特游牧東至烏沙克塔所
爾西至天珠勒都斯南至紫泥泉北至阿爾輝山所
部四旗同牧自為一盟曰烏訥恩素珠克圖盟南路隸
喀喇沙爾大臣兼轄歸伊犁將軍節制

珠勒都斯中路和碩特蒙古巴啟色特啟勒圖盟游

牧所在

標題秋濤
依例補

原中路和碩特部附南路土爾扈特部同游牧珠勒都斯

至京師八千六百餘里和碩部舊爲四衛拉特之一

牧青海伊犁諸境及顧實汗裔繁衍或稱青海額魯特

或稱阿拉善額魯特皆不著和碩舊號稱和碩特者皆

顧實汗兒子多爾濟及額爾克岱青鄂克綽特布裔也

未詳自何時徙牧俄羅斯境勒恭格台吉諾海巴雅爾

拉瑚皆都爾格齊諾顏第三子多爾濟之裔貝子布顏

楚克者雅蘭丕勒子也爲都爾格齊諾顏第四子額爾

克岱青鄂克綽特布之裔乾隆三十六年多爾濟元孫恭格古王公

表顧實汗之兄曰昆都倫烏巴什其第三子曰多爾濟

生托羅什瑚托羅什瑚生楚貴楚貴生圖克齊圖克齊

格生恭

從土爾扈特汗渥巴錫挈族來歸

詔和碩

特部人自恭格以下並授貝勒貝子台吉諸爵號是時

巴錫率土爾扈特數十萬衆歸順優錫封爵分

新舊二部渥巴錫稱汗如故諸台吉授親王郡王貝勒

貝子公一等台吉各有差和碩特部人惟不

封王爵仍並授貝勒貝子諸爵以寵異之於是

封恭格爲多羅貝勒 賜土謝圖號三十七年

賜牧珠勒都斯設札薩克四三十八年恭格卒

子德勒克烏巴什襲授盟長轄所部衆四十八年

詔世襲罔替五十六年德勒克烏巴什卒弟騰特克

襲嘉慶二年卒以絕嗣停襲是年七月伊犁將軍

貝勒爵將近支之齊業齊烏爾圖納遜二人擬派懇請

補放諭曰所奏殊覺含混騰特克屬下共有六

佐領若將貝勒爵令人承襲自應併將佐領移令管理

現在騰特克雖故寡妻尚在養贍無資日後必至興訟

況齊業齊烏爾圖納遜每人名下俱有本管一佐領若令一人承襲再增六佐領不惟恐伊等不能管轄且伊等輩分亦與根敦諾爾布恭格不甚近鄂齊爾現為盟長又係貝子伊所屬佐領較少亦不平允著保甯門明騰特克之妻齊業齊烏爾圖納遜二人中願隨何人度日即留與一二佐領俾資養贍餘年所留之佐領即令伊願資養贍之人暫行管理其餘佐領令鄂齊爾及齊業齊烏爾圖納遜均分管理日後方免相爭之弊此停襲之原

委也今所部餘札薩克三曰中路中旗札薩克固山阿穆爾哈貴貝子游牧恭格族叔父

原註 藩部表作族祖誤雅蘭

丕勒額爾克岱青鄂克綽特布曾孫也

補註 昆都倫巴特什第四子曰

額爾克岱青鄂克綽特布其子曰察罕察罕生三濟拉什即雅蘭丕勒之父也乾隆三十六年

來歸封今爵賜阿穆爾哈貴號授札薩克尋雅

蘭丕勒請捐妻孥為喇嘛從章嘉呼圖克圖游

詔授札薩克喇嘛子布顏楚克襲爵四十年授盟長轄

中路旗務 賜札薩克印四十八年 詔世

襲罔替領四佐中路右旗札薩克一等台吉游牧恭格

族弟諾海其父曰恭克班爾珠乾隆三十六年來

歸授今爵轄右翼旗務 賜札薩克印四十八年

詔世襲罔替領三佐中路左旗札薩克一等台

吉游牧恭格族弟巴雅爾拉瑚其父曰色爾博特

多克祖曰塔爾巴車凌為端乾隆三十六年來歸授一等台吉尋卒子齊業齊

襲四十年授札薩克轄左翼旗務 賜印四十八

年 詔世襲罔替領四佐補牧地在南路舊土爾

扈特部之西

秋滿按藩部要略云乾隆三十七年賜諸札薩克牧地汗渥巴錫等

賜牧齋爾和碩特貝勒恭格等

賜牧珠勒

都斯至三十八年渥巴錫等亦移牧珠勒都斯是二部

土壤雖近究非一地觀新疆識略所載喀喇沙爾南路

舊土爾扈特與喀喇沙爾和碩特牧地各有四至則所

云二部同一游牧者特舉其大概而尚未分析言之也

考會典圖說云土爾扈特四旗在喀喇沙爾城北其西

為中路和碩特三旗北依天山南與東西皆臨珠勒都斯河其

和碩特三旗不及新疆識略東至烏沙克塔爾

言四至不及新疆識略東至烏沙克塔爾沙克塔爾亦作

畧之詳今從識畧烏沙克塔爾在哈喇沙爾城東二百十五里自闡展西

行入蘇巴什塔克口又西南行踰庫木什阿克瑪塔克

額格爾齊塔克三百四十里至其地有廢城即唐地理

志張三城也唐置守捉於此其形勢可想見矣又按新

疆識略喀喇沙爾土爾扈特游牧東亦至烏沙克塔爾

是二部東境相等惟西境和碩特僅至小珠勒都斯而

土爾扈特則以大珠勒都斯為西界地域較廣遠矣又

考新疆屯務喀喇沙爾屯工三處二工烏沙克塔爾在

地正東二百二十里。種地二千六百畝。由東北察罕通格山溝內引雪水灌溉。每年各屯共交糧五千九百五十二石一斗七升。又烏沙克塔爾西六十里曲惠地方地當大路。北山根下有河一道。民人報墾地一千九百九十三畝。每年交糧二百五十九石九斗。又和瑛三州輯略云。和闐使臣貢大玉三塊。大者色青重萬斤。次者葱白重八千斤。小者極白重六千斤。以車運至喀喇沙爾。嘉慶四年奉旨停運。棄於道傍。今存烏沙克塔爾臺和瑛詩。詔弃和闐玉埋輪蔓艸蕪。來從西旅道。產自罽賓關。駕鼓勞天馬。投淵卻海珠。何如此頑石。能役萬南至開都河。**爾蘇**特達什達瓦游牧種地之所。後民蘇南至開都河。厄魯特達什達瓦游牧種地之所。後因變亂遂毀其城。焚燒林木而逸。其地遂荒。大兵奏凱以來。復事開墾。城南即開都河。其川平坦廣潤。沿河土亦腴厚。可耕。和甯同疆通志云。開都河俗名通天河。源出北大雪山。逕喀喇沙爾西門外五里。水勢甚寬。東南流。夏有渡船。冬月架冰橋。以渡回莊。多開渠引以灌田。會典圖說。開都河上源曰珠勒都斯河。出布古爾東北山。數水合。西南流。西納達賴克河。折東流。岐爲二支。復合。南北納十餘水而東。北納瑪爾什河。經庫勒爾北。

折東南流。注塔里木河。秋濤按。據會典圖。水自博斯騰
泊流出。始名開都河。然細考新疆識略所載。則二支既
合以後。經喀喇沙爾城。西者。尚在未入博斯騰泊之前。
已名開都河矣。和碩特牧地。在喀喇沙爾城北。若其南
境。以自博斯騰泊流出之開都河爲界。則地太遼遠。當
是喀喇沙爾城西之開都河也。一統志載。葉爾欽有塔
里母河。下流與西北來之海多河合。海多河。蓋卽開都
河。譯音無定字耳。潘部要略云。乾隆二十二年。有沙拉
斯瑪呼斯者。准噶爾二十四鄂拓克之二也。居喀喇沙
爾之海杜河西。海杜河。亦卽開都之音轉也。乾隆丁丑
春。將軍成衮札布。參贊舒赫德等。由朱勒都斯路進伊
犁。道遇克勒特烏魯特沙喇斯嗎唬斯等。鄂拓克皆撫
降。其衆不取其馬。駐大軍過而賊復叛。乃遣都統滿福
領偏師追剿沙喇斯嗎唬斯。二鄂拓克。賊人詭持軍門
劄。自稱已就降。撫並云。前驅除道以待。滿福行次哈拉
和落。竟以墮計捐軀。卽此地也。又庫車有渭干河。下流
與開都河合。兩河俱出嘉魚細鱗巨口。紅腮。疑卽鱸也。
曹麟開塞上竹枝詞云。萬壑爭從淖爾輪。渭干河水合
開都。細鱗巨口天生鱗。那滅吳淞玉尺鱸。三州轄畧海
都河。冬月冰凍甚堅。車馬逕過。名曰冰橋。和瑛正月三

十八日渡冰橋詩天造輿梁穩春冰迫未開馬騰銀漢
上人駕玉虹來濡尾狐猶聽潯波魚尙猜兩驂忙叱馭
快似礮西至小珠勒都斯關注亦作小裕勒都斯卽開
青雷裕勒都斯河出自阿勒坦陰克遜之北源處極四北至
十三度十分西三十一度三十分和碩特牧地也
察汗通格山關注秋濤按察汗通格亦作察罕通格在
九十五里地有廢城城西有泉委折而南經烏沙克塔
勒城東分導灌田自闢展西入納林奇喇塔克博羅圖
塔克谷口循博羅圖郭勒踰塔什所部三旗自爲一盟
海至其地爲喀喇沙爾東北境

曰巴啟色勒啟勒圖隸喀喇沙爾大臣兼轄歸伊犁將

軍節制

壽陽閻汝弼覆校